

*Библейско-богословская коллекция*  
Серия «СВЯТООТЕЧЕСКИЕ ТВОРЕНИЯ»

**Свт. Димитрий Ростовский**

**БЕСЕДЫ И НАВУЧЕНИЯ  
ВО СЛАВУ ПРЕСВЯТЫЯ  
ВЛАДЫЧИЦЫ НАШЕЙ  
БОГОРОДИЦЫ**

© Сканирование и создание электронного варианта:  
издательство «Аксион эстин» ([www.axion.org.ru](http://www.axion.org.ru)), 2009



Санкт-Петербург  
*Аксион эстин*  
2009

# БЕСѢДЫ И ПРАВОУЧЕНІЯ

ВО СЛАВУ

ПРЕСВЯТЫЯ ВЛАДЫЧИЦЫ НАШЕЯ

**БОГОРОДИЦЫ.**



Издаше Св. Аѳонской горы Русскаго Пантелеимонова монастыря.

МОСКВА.

Типографія и Литографія И. Ефимова, больш. Якиманка, д. Смирновой.

1879.

Отъ Московскаго Комитета для цензуры духовныхъ книгъ печатать дозволяется: Москов-  
ля Духовная Академія. 10 Сентября 1879 года.

*Цензоръ Свящ. Михаилъ Боголюбскій.*



Св. Димитрій Митрополитъ Ростовскій чудотворецъ.

## ПРЕДИСЛОВІЕ.

Предлагаемыя вниманію благочестивыхъ читателей «Бесѣды и Поученія во славу Богоматери» заимствованы нами изъ книги: «Руно Орошенное,» содержащей, предъ бесѣдами, описаніе 24 чудесъ отъ Иконы Пресвятыя Богородицы, которая находится въ Свято-Ильинскомъ Черниговскомъ монастырѣ. <sup>1)</sup> Эта книга имѣла въ концѣ XVII столѣтія большой успѣхъ и выдержала много изданій, изъ которыхъ у насъ подъ руками были 2-е (1689 г.) и 5-е (1697 г.). <sup>2)</sup> Она принадлежитъ къ числу не вошедшихъ въ составъ Синодальнаго изданія Твореній Святителя Ростовскаго Димитрія, какъ это очевидно изъ четверостишія въ концѣ «Предисловія къ читателю,» въ которомъ святой Авторъ, по обычаю писателей своего времени, отмѣтилъ свое имя, поставивъ прописныя буквы въ срединѣ словъ:

«**И**Е въ **Р**унѣ **и**н**О**гда прообразованна,  
**М**ати с**О**творшаго **Н**Асъ всѣ**Х**ъ здѣ написанна.  
**Д**ушею **И** Мысл**И**ю **Т**у книжку **п**Р**И**ймѣте,  
**С**Ами ей **В**нимающе, **И** другомъ про**Ч**тете.»

Тоже подтверждаетъ почти дословное сходство нѣкоторыхъ Бесѣдъ «Руна Орошеннаго» съ другими его проповѣдническими

---

<sup>1)</sup> Краткія свѣдѣнія о сихъ чудесахъ, какъ необходимыя для пониманія самыхъ бесѣдъ мы помѣщаемъ въ подстрочныхъ примѣчаніяхъ.

<sup>2)</sup> Другія изданія извѣстны: 1683, 1691 и 1696 годовъ, изъ нихъ 1-е было на иждивеніе Лазаря Барановича. См. «Обзоръ Русской Дух. Литературы» Преев. Филарета, Архіеп. Харьк. 1859. ч. I, стран. 376.

писаніями; <sup>1)</sup> и вообще Автора можно узнать въ каждой строкѣ сихъ прекрасныхъ, но почему-то забытыхъ Бесѣдъ. Въ нихъ все дышетъ тою благодатною теплотою сердечнаго благоговѣнія и любви къ Благодатной Заступницѣ рода Христіанскаго, которымъ всегда отличалась чистая душа Святителя Димитрія. Сіи первые опыты въ проповѣданіи Слова Божія уже носятъ на себѣ ту печать Свято-отеческаго авторитета, которою запечатлѣны всѣ его позднѣйшія произведенія. Святый Димитрій писалъ «Руно Орошенное» «по благословенію и повелѣнію Лазаря Барановича, Архіепископа Черниговскаго,» что вѣроятно и подало поводъ нѣкоторымъ приписать сіи Бесѣды самому Барановичу, <sup>2)</sup> тѣмъ болѣе, что имя настоящаго Автора означено не прямо, а въ четверостишіи. Что же касается времени написанія сихъ бесѣдъ, то ихъ слѣдуетъ отнести къ тому періоду жизни Угодника Божія, когда онъ «былъ во священника поставленъ Преосвященнымъ Архіепископомъ Черниговскимъ Лазаремъ Барановичемъ, въ монастырѣ Густинскомъ и былъ при Его Преосвященствѣ проповѣдникомъ довольное время,» а сіе было въ 1675 году. <sup>3)</sup>

Издавая въ свѣтъ Бесѣды и нравоученія Святителя Димитрія, мы не дерзнули коснуться ихъ слога, а только позволили себѣ

<sup>1)</sup> Слич. наприм. раскрытіе мысли: *Азъ яко мѣла покрыхъ землю* во 2-й бесѣдѣ и въ словахъ Св. Димитрія, и под. мѣста.

<sup>2)</sup> См. наприм. Маякъ 1843, томъ XI, отд. 1, стр. 2. Преосвящен. Филаретъ, А. Черниговскій, говоритъ: «Руно Орошенное Словарь (разумѣется Словарь о бывшихъ писателяхъ духовнаго чина) приписываетъ то Св. Димитрію (1, 126), то Архимандр. Лаврентію Крщановичу (11, 5). Но послѣднее мнѣніе основалось только на томъ, что Черниговское изданіе «Руна» 1697 г. вышло тогда, какъ первымъ Архимандритомъ обители былъ «честный отецъ Лаврентій Крщановичъ». Между тѣмъ это изданіе уже пятое». Оно поднесено Гетману Ивану Мазепѣ. «Ни въ одномъ», продолжаетъ онъ, «изданіи Лаврентій не названъ сочинителемъ Руна. Сочинитель видѣнъ въ четырехъ стихахъ предисловія. «Иеромонахъ Димитрій Савичъ» (Обозр. Р. Д. Лит. 1859 г. ч. 1, стр. 376). Второе изданіе, какъ выше замѣчено, вышло въ 1689 году и въ послѣсловіи читаемъ, что многія типографскія погрѣшности произошли оттого, что «издатель отстояше далече во иномъ послушаніи,» а изъ его «Діаріуша» или «Дневныхъ Записокъ» видно, что въ сіе время Св. Димитрій былъ въ Москвѣ.

въ очень немногихъ мѣстахъ для ясности рѣчи вставить объяснительныя слова, означивъ ихъ прямыми скобами [ ], а также переставить нѣкоторыя слова, и для удобства чтенія разставить знаки препинанія по правиламъ новѣйшей грамматики; слова же древнеславянскія, и особенно польскаго происхожденія (которыхъ Святитель избѣгалъ въ позднѣйшихъ своихъ произведеніяхъ, а въ Рунѣ Орошенномъ допустилъ лишь потому, что они имѣли полное право гражданства въ Юго-Западной Россіи, гдѣ онъ жилъ и писалъ въ то время) мы перевели въ подстрочныхъ примѣчаніяхъ. Замѣтимъ кстати, что слогъ Автора нашихъ Четихъ Миней представляетъ собою неподражаемый образецъ того совершенства, какого можетъ достигнуть нашъ общепонятный Церковно-Славянскій языкъ, столь сладостный простому Русскому народу, что Четии Миней Св. Димитрія стали любимымъ чтеніемъ и настольною книгою едва ли не каждаго начетчика-простолюдина. Поэтому и переводить съ него на Русскій мы считаемъ дѣломъ безцѣльнымъ и неразумнымъ.



## Бесѣда I.

*Азъ о всякомъ немощнѣмъ восплакашя,  
воздохнухъ же, видѣвъ мужа въ бѣдахъ.*

Іова 30, 25.

Егда руно Гедеоново орошено бѣше, [симъ] прознаменовашеся Божія къ человѣкомъ любовь, ея же ради Отчее Слово воплотися отъ Дѣвы: *такъ бо возлюби Богъ міръ, яко и Сына Своего Единороднаго далъ есть* (Іоан. 3, 16). [И] егда икона Пресвятыя Дѣвы слезами себе орошаше <sup>1)</sup>—кое знаменіе непщевашеся <sup>2)</sup> быти? Не ино, точію знаменіе любви Ея къ намъ. [А яко] слезы тѣ суть <sup>3)</sup> яснымъ любви показаніемъ, се ти истинну изъясляю. <sup>4)</sup> Плакаше Іисусъ надъ Лазаремъ; зрять Іудее слезы Его, и что глаголють? Любовь Его къ Лазарю повѣствуютъ: *прослезися Іисусъ. Глаголаху убо жидове: виждь, како любляше его* (Іоан. 11, 36). И друзи Іовли, видѣвше любимаго своего друга острупленна отъ главы и до ногу, *возопивше гласомъ велимъ, восплакашася.* (Іова 2, 12). Отсюду познай вину и Пречистыя Дѣвы слезъ: плачетъ надъ нами,—любитъ бо насъ, и видя струпами беззаконій согнившихъ и во гробѣ злаго обычая лежащихъ, и всеконечнѣ душею умершихъ,—

---

<sup>1)</sup> Святой Димитрій указываетъ здѣсь на чудо отъ иконы Пресвятыя Богородицы, бывшее въ Черниговѣ, въ Ильинскомъ монастырѣ, въ 1662 году въ Апрѣлѣ мѣсяцѣ. Образъ Пречистой и Преподобной Дѣвы Маріи въ церкви, по его словамъ, отъ 16-го числа до 24-го плакала, «чему были свидѣтелями всѣ люди града Чернигова».

<sup>2)</sup> Мняшеся.

<sup>3)</sup> Служатъ.

<sup>4)</sup> Тотчасъ раскрою тебѣ сію истину.

безпорочна есть: *сердца сокрушенна и смиренна Богъ не уничтожитъ* (Псал. 50, 19). Кто помянетъ <sup>1)</sup> Юсію царя во Іерусалимѣ? Память его во истину достойна похвалы: идолы сокруши, олтари разори, иже на высокихъ жряху жертвы испроверже, жрецы загла, и умершихъ идоложертвенниковъ <sup>2)</sup> кости на воздухъ размета,—сицеву ревность по Бозѣ показа, и посемь—плакася о людехъ прогнѣвавшихъ идолослуженіемъ Бога. И тогда [точію] къ нему речено: *раздралъ еси ризы твоя и плакался еси предо мною, и Азъ услышахъ тя, глаголетъ Господь* (IV Цар. 22, 19). Смотри: вся его добрая дѣла минувъ и аки забывъ, едины точію слезы поминаетъ, и сихъ ради его услыша,—тако суть приятны [слезы] у Бога! Что <sup>3)</sup> разсуждая святый Θεодоритъ рече: «только пользуетъ сокрушеніе и слезы стяжавшихъ я!»

Рачительница Хрістова въ Пѣсняхъ Пѣсней нанисуя вся уды Любимаго и уподобляя главу—злату (5, 11), ланиты—фіаломъ <sup>4)</sup> аромать, устнѣ—кринамъ, <sup>5)</sup> каплющимъ смирну (ст. 13), о очесахъ глаголетъ: *очи Ею яко голубинѣ на исполненіе водѣ* (ст. 12). Не безъ тайны Его очи голубинѣмъ уподобляетъ. [Ибо] о палестинскихъ голубѣхъ повѣствуютъ, яко надъ водами жити и потоками водными своя очеса пасты <sup>6)</sup> любятъ. Егда очеса Хрістова суть голубинѣмъ подобны, вѣждь, яко и Онъ любитъ потоками водными увеселяти очеса Своя,—потоками же сими, ихъ же поминаетъ Давидъ: *исходища водная изведоста очи мои, понеже не сохранихъ Закона Твоего* (Псал. 118, 136). На слезы истинно-кающихся хочеть [Хрістосъ] смотрѣти всегда, [ибо] не всеу Пророкъ глаголаше: *положилъ еси слезы моя предъ Собою въ вѣкъ* (Псал. 55, 9). Кто радъ смотрѣти на злато, кто на красоту лица, кто на сладостныя пища и питія,—а Хрістосъ на слезы людей, плачущихъ о грѣсѣхъ! *Радость бываетъ на небеси Ангеломъ о грѣшницѣ кающемся* (Лук. 15,

1) Кто не знаетъ...?

2) Жрецовъ идольскихъ.

3) О семъ.

4) Чашамъ.

5) Лиліямъ.

6) Услаждати, цитати.

7. 10.), колыми паче [бываетъ о немъ радость] Ангеловъ Творцу, Иже грѣшныхъ ради и небеса преклонивъ сице и пострада: *грѣшникомъ намъ суцимъ Христосъ за ны умре* (Рим. 5, 8)? Сего ради плачимъ о содѣянныхъ злыхъ, да и Господа смотряющаго ны возвеселимъ, и каль грѣховный омоемъ и радости вѣчныя по плачи сподобимся, — сіе бо есть слезъ премѣненіе: <sup>1)</sup> *блажени плачуци, яко ти утѣшатся!* (Матѳ. 5, 4).

## Бесѣда II. <sup>2)</sup>

*Радуйся варварскаго избавляющая слу-  
женія.*

Акаѳ. Ікосъ 5-й.

*Многи раны грѣшному*, грозить Псаломникъ (Пс. 31, 10). Не тоцію въ нынѣшнемъ, но и въ будущемъ вѣцѣ безчисленнымъ грѣшникъ подлежить ранамъ, не бываетъ бо грѣхъ безъ казни; отъ начала грѣси казненіи быша: Адамовъ изгнаніемъ, Еввинъ печальми, [грѣхи] исполиновъ потопомъ, Содомлянновъ огнемъ, Египтяновъ многими смертьми, Израильтяновъ грѣхъ работою казненъ. Согрѣшаемъ и мы [и-] воль много казни на ся влечемъ! Междоусобныя брани, смертоносныя раны, нашествія иноплеменникъ.... И что сотворимъ грѣшніи?—Примемъ добръ Исаи Пророка совѣтъ: *укрыйтеся вмадь, елико елико, дондеже мимоидетъ гнѣвъ Господень* (Ис. 26, 20). Но гдѣ имама сокрытися отъ находящихъ на ны многихъ ранъ?—Подъ кровомъ овѣмъ, подъ нимъ же крыяшеса Давидъ: *сокры мя въ кровь своею, въ день зла моего покры мя въ тайнѣ крова своего* (Псал. 26, 5). <sup>3)</sup> И гдѣ сей добръ покровъ обрящемъ?—

<sup>1)</sup> Замѣна, послѣдствіе.

<sup>2)</sup> Положена послѣ повѣствованія о чудесномъ сохраненіи чудотворнаго образа Пр. Богородицы отъ ограбленія татарами въ 1662 г., когда варвары ворвались внезапно въ Ильинскій Черниговскій монастырь и въ самый храмъ, ограбили его, но св. Иконы не коснулись, и изъ иконовъ, укрывшихся въ пещерѣ преп. Антонія, ни одинъ не потерпѣлъ вреда.

<sup>3)</sup> По древнему переводу.

У Пречистой и Препоблагословенной Дѣвы Маріи. Въ семь то покровѣ Давидъ сокрыся, егда гонимъ Авессаломомъ *восхождаше восходомъ на юру Елеонскую* (2 Цар. 15, 30), яже прообразоваше Премилосердную Госпожу нашу. И [аще] тоію сѣнь Маріина можаше въ день золь сокрыти Давида, то кольми [паче] самая Она, аще къ Ней прибѣгнемъ, сокрыеть насъ въ кровѣ своемъ. Та глаголетъ о Себѣ усты Духа Святаго у Иисуса Сирахова: *Азъ яко мла покрыхъ землю* (24, 3). Но—о Дражайшая Госпоже! почто сице худѣй вещи, мглѣ, уподобляеши Ся? Нѣсть ли Тебѣ солнца, луны, звѣздъ въ именованіе? Мгла же кую имать красоту, яко ею звати <sup>1)</sup> не гнушаешися?—Мгла егда надъ землею умножится и покрыеть ю, тогда вся звѣри отъ ловцовъ цѣлы суть, ни ктоже [бо] ихъ ловити можетъ. Се тайна, почто Дѣва наречеса мглою! Отъ ловащихъ бо крыеть насъ, [понеже] мы грѣшніи, нашего ради безчеловѣчія, есмы аки скоти, аки звѣри, по Златоустову рассужденію: «чреву угождаемъ яко медвѣди, плоть утолстѣваемъ яко же мескъ, <sup>2)</sup> памятозлобствуемъ яко верблюды, похищаемъ яко волцы, гнѣваемся яко змій, угрызаемъ аки скорпій, хитры есмы яко лисица, злобы ядъ носимъ аки ехидна». <sup>3)</sup> Сицевыхъ звѣровъ постигаютъ различніи ловцы: постигаеть праведный гнѣвъ Божій, мщяя <sup>4)</sup> вся начинанія наша злая: *Богъ отмщеній, Господь Богъ отмщеній* (Псал. 93, 1); постигаютъ ны и беззаконія наша, яко жалѣтися мусимъ: <sup>5)</sup> *постыша мя беззаконія и не возмогохъ зрѣти* (Псал. 39, 13); постигаеть ны врагъ невидимый: *бысть яко медвѣдь ловай, присѣдай ми яко левъ въ сокровенныхъ* (Плач. Іер. 3, 10); постигаеть ны и врагъ видимый: *рече врагъ: инавѣ постигну, утцу* <sup>6)</sup> *мечемъ моимъ и пообладаетъ рука моя*. (Исход. 15, 9). Но дерзаимъ! <sup>7)</sup> Имамы мысленную Мглу, покры-

1) Именоватися.

2) Муль.

3) Бес. III къ антиохійск. народу.

4) Отмщяя.

5) Жаловатися можемъ.

6) Убію.

7) Будемъ дерзновенны.

вающую ны, Пресвятую Дѣву Марію, въ Ней <sup>1)</sup> уповаемъ, подѣ кровомъ Ея и власть главы нашей не погибнетъ!... О Пречистая Дѣво! на Тебе ся надѣмъ и Тобою ся хвалимъ: <sup>2)</sup> да не постыдимся раби Твои!...

## Правоученіе II.

Пророкъ Божій Моисей, преща <sup>3)</sup> людемъ (егда бы не сохранили завета Божія) страшными казнями, между инѣми многими язвами за ббльшую полагаетъ нашествіе иноплеменникъ глаголя: *аще не послушаеши гласа Господа Бога твоего снабдѣти <sup>4)</sup> и творити вся заповѣди Его, навѣдетъ Господь на тя страну издалече, отъ края земли, аки вооруженіе <sup>5)</sup> орле, страну, ея же не разумѣеши глагола, <sup>6)</sup> страну безъ срама лицемъ, иже не посрамится лица старца, и юна не помилуетъ* (Втор. 28, 15. 49. 50). Значне <sup>7)</sup> тое пророчество на насъ сбывается, егда тою нашествія иноплеменныхъ казнію непомагу <sup>8)</sup> грѣхъ ради нашихъ Господь Богъ казнить насъ презъ многіе <sup>9)</sup> *лѣта, въ нѣже видѣхомъ злая.* (Псал. 89, 15). За се бо, что не охраняемъ завета Божія и въ законъ Его не изволяемъ ходити, (Псал. 77, 10) наводитъ на ны страну издалеча, аки вооруженіе орле; *скорѣйшии быша юнѣи насъ паче орловъ небесныхъ, на горахъ гоняху насъ, въ пустынь приспѣдоша намъ* (Плач. Іер. 4, 19). [За то,] что не плѣняемъ всякъ разумъ въ послушаніе Христово (2 кор. 10, 5), предаетъ насъ Господь во плѣнъ, яко рече Давидъ: *предаде во плѣнъ крѣпкохъ ихъ и доброту ихъ въ руки врагомъ* (Псал. 77, 61). *Предаде*

<sup>1)</sup> О Ней, на Ню.

<sup>2)</sup> Надѣмся, хвалимся.

<sup>3)</sup> Претя, угрожая.

<sup>4)</sup> Сохранити.

<sup>5)</sup> Устремленіе.

<sup>6)</sup> Не понимаешь языка.

<sup>7)</sup> Разительно, вѣрно.

<sup>8)</sup> Не рѣдко.

<sup>9)</sup> Въ продолженіе многихъ.

*ихъ въ руки врагомъ, и обладаша ими ненавидящій ихъ, и стужаша имъ врази ихъ* (Псал. 105, 41. 42). [За то] что не Богу добродѣтелями, но себѣ плотоугодіями служимъ, и грѣху работаемъ, предаеть насъ на службу и тяжкую работу врагомъ нашимъ, о ней же предрече Моусей: *понеже не послужилъ еси Господеву Богу твоему съ веселиемъ и благимъ сердцемъ, множества ради всѣхъ блаихъ, — послужиши врагомъ твоимъ, яже пошетъ Господь Богъ твой на тя, со голодомъ, и жаждою, и наготою, и со оскуднѣніемъ всѣхъ, и возложитъ яремъ желѣзенъ на выю твою, дондеже сокрушитъ тя* (Второз. 28, 47. 48).—Обратимся убо къ покаянію, уцѣломудримся казненны <sup>1)</sup> тѣхъ людей, пойдѣмъ слѣдомъ [тѣхъ] ихъ же *егда Господь убиваше, тогда взыскаху Его, и возвращахуся и утреневаху къ Богу, и помянуша, яко Богъ помощникъ имъ есть, и Богъ Вышній Избавитель имъ есть* (Псал. 77, 34 и 35). [Аще] обратимся къ Богу, то и Богъ къ намъ обратится, и защититъ отъ плѣненія варварскаго и избавитълежащаго праведнаго Своего прещенія, и помиуетъ насъ. Аще же не обратимся, блюдемъ, да не постигнетъ ны прещеніе у Исаи написанное: *аще не хочете, ни послушаете Мене, оружіе васъ поястъ. Уста бо Господня глаголаша сія.* (Ис. 1, 20).

### Бесѣда III. <sup>2)</sup>

*Утѣшенія не имаю, развѣ Тебѣ, Владычице міру.*

Тропарь на молебнѣ.

Обружаема печальми Ноемминь, отъ нищеты и вдовства и безчадія, глаголаше: *не зовите мя Ноемминь* (си есть красна), *но зовите мя [Мара, си есть] горька, яко горести наполни мя Вседержитель зѣло.*

<sup>1)</sup> Казньми.

<sup>2)</sup> Положена послѣ повѣствованія объ исцѣленіи предъ иконою Пресв. Дѣвы, что въ Ильинскомъ монастырѣ, въ Черниговѣ, нѣкоей жены, именемъ Вѣры, отъ паралича, въ 1667 г., въ субботу предъ праздникомъ Сочествія Св. Духа.

(Руѳ. 1, 20). Обаче во печалехъ толикихъ имѣяше не малу отраду отъ Руѳи, снохи своєї, яко не остави ю, но привязася къ ней любовію сицевою: «идѣже идеши ты, и я пойду; и идѣже будеши ты, буду и азъ; людіе твои—людіе мои; Богъ твой—Богъ мой, идѣже аще умреша ты ту <sup>1)</sup> и азъ; идѣже погребешися ты, ту и азъ погребуся; [точію] смерть разлучить между мною и тобою» (Руѳ. 1, 16 — 17). Не меньшія и насъ обдержать печали, отвнѣ и внутрь. Внѣшнему челоуѳку находятъ болѣзни: то раслаба тѣла, то нѣмота языка, то ругъ усшеніе, <sup>2)</sup> яко и женѣ реченнѣй. <sup>3)</sup> Внутренній же челоуѳкъ разслабѣвается грѣхами: нѣмъ и безъязыченъ, егда не хоцетъ на ся исповѣсти беззаконія своя; и аки суху имать руку—волю, нехотящую благаго намѣренія дѣйствовати. <sup>4)</sup> Обаче во всѣхъ сихъ велика намъ есть отрада—Пресвятая Богородица, аще къ Ней имамы вѣры несумнѣніе, <sup>5)</sup> надежды не сомнѣніе и союзъ любве. Ноемминь, лишєнную мужа и чадъ кто бы утѣшити отъ горькія печали возмогъ?—Возможе Руѳь.—Но что въ Руѳи бѣше утѣшительно и сильно къ отъятію печали, иже такожде бѣша и нища, и сира, и вдовица? Се, яко прообразоваше Марію Матеръ Хрїстову. Хотѣше бо быти и она едина отъ праматерей Его: *Воозъ роди Овида отъ Руѳи; Овидъ же роди Иессея, Иессей же роди Давида Царя* (Матѳ. 1, 5 — 6), иже Праотець Хрїстовъ бѣше по плоти. И то <sup>6)</sup> утѣшаше Ноемминь въ печали. Егда бо зряше Руѳь, радовашеся сердце ея, тайно извѣщася, что отъ ея плода имать прозябнути всей вселеннѣй радость—Иисусъ Сынъ Маринъ. Аще точію сѣнь Маріина можаше печали во радость претворити, то кольми паче Сама Марія—Мати всякія утѣхи утѣшитъ насъ о всякой скорби нашей, внутреннего и внѣшного челоуѳка уврачуєтъ? Точію мы къ Ней съ вѣрою прибѣгнемъ, и привяжемся Ей сице любовію, якоже Руѳь Ноеммини, да неразлучны будемъ съ Нею во вся дни живота нашего.—О Госпоже! буди съ нами во вся дни до скончанія вѣка!

<sup>1)</sup> Тамо.

<sup>2)</sup> Сухота, омертвеніе.

<sup>3)</sup> Указаніе на исцѣвленную отъ паралича женщину.

<sup>4)</sup> Приводити во исполненіе.

<sup>5)</sup> Неподолебимость въ вѣрѣ.

<sup>6)</sup> И сіе-то.

### Нравоученіе Ш.

Иже благодатию Богородичною исцѣлѣ жена—нарицаешся Вѣра; чаю, [яко] по имени своемъ и самую несумнѣнную имѣ вѣру: не возможно бо есть кому исцѣленіе и кое либо отъ Бога дарованіе безъ вѣры получитьи. Врачъ душамъ и тѣлесемъ, Сынъ Божій, исцѣляя *всякъ недугъ и всяку язю въ людехъ* (Матѣ. 4, 23), вѣры всюду требоваше, и по вѣрѣ лѣчбу подаваше: тако въ Капернаумѣ по вѣрѣ сотничѣ исцѣлилъ отрока: *иди, якоже вѣровалъ еси, буди тебѣ: — и исцѣль отрокъ ея въ той часъ* (Матѣ. 8, 13). Тако кровоточивой: *дерзай, дщи! вѣра твоя спасе тя,—и спасена бысть отъ часа того* (Мѣ. 9, 22). Тако двумъ слѣпцамъ: *по вѣрѣ ваю буди вама,—и отверзашася ума очи* (Мѣ. 9, 29). Тако Хананей: *о жено! велия вѣра твоя! буди тебѣ якоже хочещи* (Мѣ. 15, 28) и многихъ инѣхъ по вѣрѣ ихъ спасе. О како сильна есть вѣра въ молитвѣ къ полученію прошенія! Чудится святой Кипріанъ, поминая разбойника иже на крестѣ, како толикій грѣшникъ все житіе свое въ убійствѣ и иныхъ разбойникомъ приличныхъ беззаконіяхъ иждивый, на кончинѣ своей краткою молитвою отверзе себѣ рай, и вопрошаетъ Господа: «что болѣе Стефану дарствовалъ еси Господи, паче сего разбойника? Что болѣе пріять возлюбленный онъ ученикъ Твой, иже возлеже на перси Твоя на вечери? Чимъ болѣе упокоены суть Павловы поты? Чимъ толико многихъ святыхъ многообразныя мукы, раны и смерти возмездствовашася? <sup>1)</sup> Во единъ часъ сему разбойнику та дадеся мзда, юже они толикими труды и скорбми получиша.» <sup>2)</sup> Но не чудися, святой Кипріане, азъ ти твоего въ небесехъ сожителя въ отвѣтъ приведу, святаго Амвросія, иже речеть тебѣ, яко вѣрою великою, аще и во малой молитвѣ, райскую себѣ разбойникъ отверзе дверь. Егда бо

<sup>1)</sup> Вознаградилася.

<sup>2)</sup> 7-е посланіе св. Кипріана.

Господь нашъ, во время вольныхъ Его страсти отъ всѣхъ оставленный и отъ обѣщавшагося съ Нимъ умерети Петра отверженный быше, тогда разбойникъ единъ вѣрова Ему, и исповѣда Его, Господа Царствующаго нарекъ: *помяни мя, Господи, егда приидеши во Царствіи Си* (Лук. 23, 42). Здѣ [мощно] быше видѣти велику разбойникову вѣру: егда всѣхъ вѣра оскудѣ, егда вси вѣровавши соблазнишася о Христѣ, — онъ самъ не соблазнися, но и съ вѣрою Ему помолися; тѣмъ <sup>1)</sup> и слыша: *аминь глаголю тебѣ: днесъ со Мною будеши въ Раи* (Лук. 23, 43). Тако глаголетъ святой Амвросій: «въ той часъ, въ онъже рай пріять Христа, пріять и разбойника». <sup>2)</sup> Но сію славу разбойникови сама <sup>3)</sup> подаде вѣра, что разсуждая, нѣкто бесѣдуетъ къ разбойнику: «непобѣдиме мучениче! отъ всецѣлаго мірскаго неплодія въ тебѣ первородное вѣры Христось пріять, ты—Петръ на крестѣ Петра [иже] во дворѣ Каіафовѣ разбойникъ бысть» <sup>4)</sup>. Слышимъ ли, что вѣра можетъ? То уже и мы стяжимъ ю себѣ въ молитвѣ нашей, да возможемъ просимое получить. Самъ Господь нашъ учитъ ны: *вся елика молящеся просите, въпруйте, яко приѣмлетъ, и будетъ вамъ* (Мар. 11, 24. Матѣ. 21, 22). И Іаковъ святой: *аще кто отъ васъ лишенъ есть премудрости, да проситъ отъ дающаго Бога вслѣмъ простъ, и не поношающаго и дастся ему; да проситъ же вѣрою, ничтоже сумняся, сумняйся бо уподобися волненію морскому, вѣтры возметаему и развѣваему, да не мнитъ человекъ онъ, яко приѣметъ что отъ Бога* (Іаков. 1, 5—7). Откуда же сію вѣру стяжимъ въ молитвѣ, да все, еже просимъ, приѣмемъ? Послушаймъ святаго Каллиста, глаголюща; «раждается вѣра съ <sup>5)</sup> дерзновенія къ Богу. Дерзновение же бываетъ отъ сего, егда кто благоугодитъ Богу. Многихъ бо трудовъ требѣсть есть, да благоугожденіемъ Богу стяжетъ кто къ Нему сицевое дерзновение, дабы моглъ вѣрнѣ вѣрити, яко вся, елика имать просити, приѣметъ. *Просите, рече, и дано бу-*

1) Сего ради.

2) Слово св. Амвросіа о разбойникѣ.

3) Едина.

4) Содѣлася.

5) Отъ.....

*детъ вамъ (Мѡ. 7, 7). И святыи Іоаннъ: возлюбленіи, аще сердце наше не зазритъ намъ, дерзновеніе имамы къ Богу, и еже аще просимъ, приѣмлемъ отъ Него, яко заповѣди Его соблюдаемъ, и угодная предъ Нимъ творимъ (Іоан. 3, 21—22) <sup>1)</sup>.*

## Бесѣда IV <sup>2)</sup>.

*Нога быхъ хромымъ.*

Іов. 29, 15.

Вопросимъ Іерусалимскаго хромца, иже носимъ бываше: «гдѣ обрѣте нозѣ?» Речеть: «при дверехъ церковныхъ, рекомыхъ красныхъ» (Дѣян. 3, 2). Блаженъ еси, хромче, яко доброе избралъ еси мѣсто себѣ—двери церковныя красныя, при нихъ же исправистася твои нозѣ. Но блаженнѣйшіи суть держащіяся Пречистой Дѣвы, и при Ней избравшіи себѣ мѣсто, Та бо есть много краснѣйшими дверми, Церковь и Врата сущи, <sup>3)</sup> при нихъ же не точію тѣлесныхъ (яко же рѣчениѣй Аннѣ <sup>4)</sup>), но и душевныхъ ногъ хромота врачуется. Хрома быше душевными ногами египетская грѣшница <sup>5)</sup>, толико хрома, яко ниже прага церковнаго преступити можаше: «егда, рече, убогая моя нога празѣ <sup>6)</sup> коснуса, церковь всѣхъ приимаше и невозбраняше никомуже, мене же окаянныя не приимаше; но яко множество воинъ (быше) устроено вхожда затворяти, тако и мнѣ нѣкоторая сила Божія возбраняше». Зри же, како у образа Богородична утвердистася ея нозѣ: не точію вниде въ церковь поклонитися Честному

<sup>1)</sup> Слово Патріарха Калл. въ недѣлю 10-ю по Св. Духѣ.

<sup>2)</sup> Помѣщена послѣ описанія чудеснаго исцѣленія жены нѣкоего знатнаго челоуѣка, Пенскаго, Анны, которая много лѣтъ не могла ходить ногами и совершенно исцѣдилась, молясь предъ чудотворною иконою Пресв. Богородицы, что въ Ильинскомъ Черниговскомъ монастырѣ. Это было въ 1671 г.

<sup>3)</sup> Ибо Она, будучи Церковію и Вратами, есть Дверь много краснѣйша (въ сравненіи съ вратами рекомыми красными).

<sup>4)</sup> Указаніе на исцѣленную.

<sup>5)</sup> Рааумѣтся Преподобная Марія Египетская.

<sup>6)</sup> Прагу.

Древу, но и въ пустыню побѣже, по водамъ и по воздуху пойде. Тако врата сія мысленныя сильны суть къ уврачеванію ногъ обоихъ, тѣлесныхъ, глаголю, и душевныхъ. У вратъ обычнѣ убогіе милостыни просятъ: и гдѣ кто лучшую милостыню получить, яко у Пресвятой Дѣвы? Смущаху мя словеса оная: *врата сія затворена будутъ и не отверзутся* (Иезек. 44, 2) никогда же; бояхся, да некогда прибѣгъ, и толкнувъ, тощъ, неуслышанъ и посрамленъ отъиду: како бо чрезъ затворенныя двери, и никогда отверзающіяся, можетъ что вніти въ рущѣ мои? Но егда услышахъ поюща: *никтоже притекая къ Тебѣ посрамленъ отъ Тебе исходитъ, Пресвятая Богородице, но проситъ благодати и приѣмлетъ даръ,* <sup>1)</sup>—пріяхъ упованіе, и дерзаю, аще и безстуднѣ прибѣгати къ Тебѣ, о Небесная Врата! Затворена Ты ко испытанію, *како и Дѣвою пребываеши и родити возмогла еси,* <sup>2)</sup>—сими дверьми нѣсть входяй: *радуйся, Светъ неизрѣченно Родившая! радуйся, еже како ни единая же научившая!* <sup>3)</sup> Но не затворена Ты къ подаванію милостыни: всѣмъ отверста, да всякъ хотяй Твоего Милосердія *внидетъ и изыдетъ и пажить обрящеть* (Іоан. 10, 9). Проходящу ми врата вельможъ міра сего, многія видѣхъ препоны: стоятъ бо стражи у вратъ, иже или удерживаютъ,—откуда и почто грядеши опасно испытуютъ, или отнюдь не пускаютъ, или единыхъ пустятъ, другихъ же отженутъ. Смотрихъ же и печатлѣнія <sup>4)</sup> различная: нѣцци отъ нихъ печатлѣются вратами, или затворенными, или отверстыми, но невходными. Стоятъ бо посредѣ ихъ—то звѣри, то съ обнаженнымъ оружіемъ воя <sup>5)</sup>, и кто тамо вніти можетъ? Егда же прихожду къ Твоимъ вратамъ, о Царице Всесильная, ничтоже сицево обрѣтаю. Не отрѣютъ <sup>6)</sup> мя стражіе, не отстрашуютъ <sup>7)</sup> звѣри, не прогоняютъ мя воя, ни кто же мя, почто

<sup>1)</sup> Параклисъ Богоматери.

<sup>2)</sup> Икосъ 9 Акаѳ. Богом.

<sup>3)</sup> Икосъ 2 тамъ же.

<sup>4)</sup> Гербы. Примѣч. на полѣ перваго печатнаго изданія 1688 г.

<sup>5)</sup> Воины.

<sup>6)</sup> Не отталкиваютъ.

<sup>7)</sup> Не отпугиваютъ.

гряду, испытуеть; но невозбранно вхожду, предстою предъ Тобою, и бесѣдную къ Тебѣ, аще и недостойнъ; Ты же мя зриши, послушаеши, милуеши и подаеши [яже] къ полезному прошенію. Изъ дверей вельможъ многихъ многожды зрѣхъ исходящихъ плачущихъ, неуслышанныхъ, непомилованныхъ, горѣ <sup>1)</sup> оскорбленныхъ: изъ дверей же Твоихъ — кто когда оскорбленъ изыде? И точію ко дверемъ Твоимъ прибѣгъ уже плачь забывается. Ни бо <sup>2)</sup> терпиши, о Мати, чадъ своихъ оскорбленныхъ и неутѣшенныхъ зрѣти!...

### Нравоученіе IV.

Вси уклоняющіися отъ пути праваго, несохраняющіи завѣта Господня, хромы суть: *охромюша отъ стезь своихъ*, глаголетъ псаломникъ (Пс. 17, 46). Хромы же двояко: единоножно и обоножно. Единоножно тѣи, иже яко храмляй, то право <sup>3)</sup> станетъ, то къ землѣ преклонится; тако они: то къ добродѣтели обращаются, то ко злобѣ возвращаются, то востають, то паки падають, и аки двоими шествуютъ пути: о сицевыхъ глаголетъ Сирахъ: *юре грѣшнику, ходящу на двѣ стезь* (2, 12). Обоножно же хромы суть тѣи, иже единою падши, не хотятъ ни когда востати, но *ульбше въ тмѣннѣи глубины*, <sup>4)</sup> (Пс. 68, 3), и отчаявшеся своего спасенія, яко безъ ногъ, по землѣ *суеты суетствъ* (Еккл. 1, 2) ползають: *смирися въ персть душа ихъ, прильпе земли утроба ихъ* (Пс. 43, 26). Или носимы бываютъ аки нѣкимъ носиломъ обычаемъ грѣховнымъ не аможе бы они хотѣли, но амо грѣховная страсть ихъ вблить: *не еже хоцуть сія творятъ, но еже не хоцуть, сіе содѣвають*, (Рим. 7, 19), не они, но *живый* въ нихъ *грѣхъ* (ст. 20). Къ таковымъ хромцомъ вопіетъ Илія Пророкъ: *доколь вы храмлете на обѣ плесну вашею* (3 цар. 18, 21). Сицевымъ, да ихъ *нозѣ ста-*

<sup>1)</sup> Хуже.

<sup>2)</sup> Ибо не.....

<sup>3)</sup> Прямо.

<sup>4)</sup> Завязнувъ въ глубокой тмѣ.

*нутъ на правотъ* (Пс. 25, 12) требъ не отступно церковныхъ покаяния святаго дверей держатися; яко же бо дверми въ храмину вступують, тако покаяніемъ святымъ въ общеніе церковное, во исправленіе житія, въ полученіе милости Божія и прощенія грѣховъ и въ небесныя обители входятъ. Сими дверми вниде разбойникъ, мытарь, блудница и блудный сынъ. Подвизаймося <sup>1)</sup> убо и мы внити сквозѣ тѣсная трудовъ покаянныхъ врата, донележе имамы время; мнози бо по семь *взыщутъ внити, но не возмогутъ* (Лук. 13, 24). Нынѣ въ сія двери [да] толцемъ, глаголюще: *покаянія двери отверзи ми, Жизнодавче!* <sup>2)</sup> Нынѣ послушаимъ учащаго ны Апостола: *испущенныя руки, ослабленныя колъна исправите* (Ис. 35, 3), *и стези правы сотворите ногамъ вашимъ, да не хромое совратится, но паче да исцѣльетъ.* (Евр. 12, 13).

### Бесѣда V <sup>3)</sup>.

*Радуйся, яко трюмъ, враги устрашающая!*  
Акаѳ. Икосъ 11-й.

Брань житіе наше, а брань *къ началомъ и властемъ, къ міродержителемъ тьмы въка сего, къ духовомъ злобы поднебеснымъ* (Ефес. 6, 12), надъ ними же побѣда есть вещь зѣло добра, но не удобна. Добра: приноситъ бо вѣнецъ; неудобна же: супостата бо нашего злоба многа, сила его крѣпка, а естество наше страстно, и сила наша немошна. Но не бойся, человекъче, ниже отчай <sup>4)</sup> побѣды: имаша Помощнику Пречистую Дѣву Воеводу Возбранную, Ей же побѣдительная восписуемъ. Сію въ помощь призови, глаголетъ бо: *призови Мя въ день печали твоея и избавлю тя и прославиши Мя* (Пс. 49, 15). Сей Помогающей <sup>5)</sup>

<sup>1)</sup> Будемъ подвизатися.

<sup>2)</sup> Великопостная стихира на утрени воскресной по Евангеліи.

<sup>3)</sup> Положена послѣ описанія чудеснаго исцѣленія предъ чудотворною иконою Пресв. Богородицы, что въ Ильинскомъ монастырѣ, инокини Александры отъ ѳснованіи, въ 1672 г. въ Апрель мѣсяцѣ.

<sup>4)</sup> И не отчаявайся.

<sup>5)</sup> При Ея помощи.

узриши врага побѣжденна. Въ показаніе истины реку что <sup>1)</sup> отъ Писанія. Во пѣснехъ пѣсней речеса о реченнѣй: *выя Твоя яко столпъ Давидовъ, тысяща щитовъ виситъ на немъ, и вся стрѣлы сильныхъ.* (4, 4). Что есть той столпъ, аще не Дѣвья крѣпость въ наше вѣрныхъ спасеніе, столпъ крѣпости отъ лица вражія? Что суть тыя щиты, аще не защищенія? Что суть тыя стрѣлы, аще не враговъ побѣда? Егда врагъ на насъ воюеть, Она щитами насъ заслоняеть; егда же мы на врага воюемъ, Она намъ стрѣлъ сильныхъ додаеть; егда ослабѣваемъ, Она яко столпъ насъ вспираеть, <sup>2)</sup> да не падемся. Сицевую Воеводу въ брани имуще, кто враговъ убоится? Горе безъ Нея хотящему соплестися съ супостатомъ. Но Ты, Владычице, воиномъ своимъ, вѣрно Тебѣ служащимъ, не допускаешь самимъ <sup>3)</sup> быти во брани; выну еси съ ними, подвигъ ихъ смотря и помогая. Увѣряюся о семъ, взирая на Твое знаменіе на небеси явленное, солнцемъ одѣянное, иже тогда явися, внегда всей твари разореніе показовашеся. Сице пишеться: *быша блистанія, и гласы, и громы, и трусь, и градъ великъ. И се знаменіе веліе явися на небеси: жена, облеченна въ солнце.* (Апокал. 11, 19; 12, 1). Кто не вѣсть, яко жена та явлена Пресвятую Дѣву прознаменоваше, о чesомъ многое есть Учителей церковныхъ согласіе. Здѣ смотри: почто Та жена не явися прежде блистаній, громовъ, гласовъ, труса и града, внегда еще вся стихіи бяху въ мирѣ, но въ самое то страшное небесе же и земли смущеніе? Того ради, да покажется, что Пречистая Дѣва, въ самой лютойшей брани, въ самое злое время, внегда съ супостатомъ нашимъ боремся, внегда насъ ратуеть врагъ,—то блистаніемъ похоти очесъ, то гласомъ гордости живота, <sup>4)</sup> то градомъ внезапныхъ страстей и безчисленныхъ навѣтовъ, то громомъ страхованія, то трусомъ отчаянія: тогда Она яко Солнце восходитъ въ помощь, да—аще кто побѣждается, сего утвердить; аще кто уязвляется, сего исцѣлить; аще кто падаетъ, сего воздвигнетъ; аще же кто и умерлъ есть душею, во

1) Нѣчто.

2) Поддерживаеть.

3) Единымъ, единокимъ.

4) Житейской.

брани лють побѣжденъ, помощи же Ея не отчаявъ, сего воскресить и паки къ подвигу вооружить; аще же кто добръ подвизается, по семъ побореть <sup>1)</sup> и за подвигъ мзду уготовить. Во всемъ же томъ бранномъ времени, да ночь области темныя борющихся не покрываетъ, является [облеченною] въ солнцы, просвѣщающи тьму нашу. Тако Тая Возбранная Побѣдителя <sup>2)</sup> со своими всегда есть во брани. И кто не станеть добръ противу грѣху, имущи готовую помощь — Пресвятую Дѣву? О Всесильная! *обитель Твою сохраняй, въ Тебѣ бо сія вѣрно и почествуетъ*, <sup>3)</sup> *въ Тебѣ и утверждается; и Тобою побѣждаючи, вышша есть всякаго искушенія и плыяетъ враги, и проходитъ послушаніе* <sup>4)</sup>.

## Правоученіе V.

*Випяду брани, внутрѣду страха*, глаголетъ Апостоль, (2 Кор. 7, 5), а во бранехъ и страхахъ обычнѣ людіе скоро емлются оружія. Мы [же] коего оружія во отгнаніе страхованій взыщемъ?—Сего, еже намъ святой Іоаннъ Лѣствичникъ велить,—Имени Иисусова: «всегда Иисусовымъ Именемъ бій ратники, крѣпчайше бо сего оружія не обрящени ни на небеси, ни на земли» <sup>5)</sup>. Но примите и мой совѣтъ: другое всесильное имя, аки другое оружіе, во другую руку возьмите,—Имя Маріи Матере Иисусовы: крѣпчайши бо и сего оружія не обрящени. Аще насъ ратуетъ врагъ двоими странами—десными и шуими; то мы противу идемъ ему съ двѣма оружіи — со Именемъ Иисусовымъ и Маріинымъ, да единымъ десныхъ, другимъ шуихъ побѣдимъ ратниковъ. Како же крѣпко есть оружіе—Имя Маріино?—Слыши, что во Акаѣистѣ чтется: «все противныи

<sup>1)</sup> Сему будетъ помогать во брани.

<sup>2)</sup> Побѣдительница.

<sup>3)</sup> Слав. царствуетъ (градъ). Обдержитъ, стоитъ.

<sup>4)</sup> Св. Андрѣи Критскаго Великій Канонъ, пѣснь 9. Проходитъ послушаніе—по перев. М. Филарета: править подчиненными.

<sup>5)</sup> Лѣствица, слово 15 о чистотѣ.

дуси страхомъ одержимы трепещуть, боящися Имени Святаго Твоего <sup>1)</sup> Да будетъ ми лѣтъ <sup>2)</sup> Господю мою именовати оружіемъ симъ, имъ же Давидъ побѣди Голиава, си есть працею; яко же бо отъ пращи излетѣвый камень уби иноплеменника, тако отъ Нея Христосъ исшедый, Иже есть Камень краеуголень, убилъ (того), на него же паде; *всякъ бо, иже падетъ на Камени семъ, сокрушится, а на него же падетъ, сотрется и.* (Мѡ. 21, 44). Егда Давидъ пріять въ руцѣ пращу, избра себѣ къ ней пять каменій добрыхъ отъ потока: въ имени Богородичномъ личу <sup>3)</sup> пять литеръ: *Маріа*. Пять то суть камній, убивающихъ адскаго филистина <sup>4)</sup>: Магнитъ, адамантъ, рубинъ, іакинѣвъ, амеѣистъ. Каждо же ихъ свойствомъ своимъ нѣбгую добродѣтель Маріину изобразуютъ. Магнитъ, влекущій къ себѣ желѣзо, образуетъ смиреніе Маріино, еже привлече Бога на землю; въ словесѣхъ бо <sup>5)</sup> Ея смиренныхъ сихъ: *се раба Господня, буди Мнѣ нынѣ по глаголу твоему* (Лук. 1, 38),— сниде Богъ съ небесе и воплотися отъ Нея. Адамантъ твердый являетъ мужество Маріино. Рубинъ червленый—цѣломудріе. Іакинѣвъ—небеснаго видѣнія, <sup>6)</sup> показываетъ Богомышленіе Ея. Амеѣистъ огневидный любовь палающую. <sup>7)</sup> Аще и вси Голиады пекельныи <sup>8)</sup> сими пятьма <sup>9)</sup> мысленными каменми побѣждаются, изряднѣе же пять большихъ (отъ нихъ). Магнитомъ смиренія убивается бѣсъ гордости. Адамантомъ мужества уязвляется бѣсъ, страхованія наносящій и ослабляющій къ подвигу. Рубиномъ цѣломудрія—бѣсъ безстудія и нечистоты. Іакинѣвомъ Богомышленія поражается бѣсъ земнаго пристрастія. Амеѣистомъ любви—

1) Акаеистъ....

2) Позволено.

3) Насчитываю.

4) Филистимлянина—діавола.

5) Ибо при словесехъ.

6) Цвѣта.

7) Пламенную.

8) Адскіе.

9) Пятью. Здѣсь какъ и въ нѣкоторыхъ (впрочемъ весьма немногихъ) другихъ мѣстахъ, позволивъ себѣ, въ избѣжаніе темноты смысла, на значительную перестановку словъ и цѣлыхъ предположеній, мы не касаемся самыхъ словъ подлинника.

бѣсъ ненависти. И не дивно, что Имени сего пресвятаго боятся и трепещутъ бѣсы. Еще бо въ Вѣтсемъ Завѣтѣ пять вещей обрѣтошася, почитающихся отъ пяти литеръ Имене Маріина, иже силу сего имени прознаменоваша: *Море* чермное. *Аредь* источникъ. *Руно* Гедеоново. *Иордань* рѣка. *Арарать* гора. *Море* Фараона потопа (Исх. 15, 19); при *Аредѣ* источницѣ *Мадіамъ* до конца пораженъ (Суд. 7, 1); на *рунѣ* Гедеононѣ пріять знаменіе побѣды (Суд. 6, 37, 40). При *Иорданѣ* царіе Амморейстии *Иисусомъ* *Навиномъ* повоєваны (I. Нав. 5, 1). *Арарать* гора ковчегу пристанище бысть (Быт. 8, 4). Все то прообразоваше *Дѣву* *Марію*, *Иже* и *фараона* мысленнаго потопа, и *мадіамовъ* и *аммороєвъ* адскихъ порази, и, яко *руно-росу*, Слово во утробу пріять, и пристанищемъ есть <sup>1)</sup> небурнымъ всѣмъ зѣ <sup>2)</sup> потопа страстей къ Ней пловающимъ. Тѣмъ же всягъ вѣрнѣй Именемъ Ея Пресвятымъ—*Марія*, яко *працею*, пять каменій содержащую, вооружайся и побѣждай враги твоя!

## Бесѣда VI <sup>3)</sup>.

*Радуйся, вѣрныхъ озаряющая смыслы!*  
Акаѳ. Икосъ 2-й.

Сотецѣтесь <sup>4)</sup> здѣ вси, обраденніи умомъ, буи и невѣжды со мною сѣмо пріидѣте: се имама премудрости Наставницу и смысла Подательницу Пресвятую *Дѣву*. Та научить, Та вразумить, Та наставить ны [на] вся. Вѣсте, яко всягъ неразумный учится отъ книги, ненаказанный наказуется отъ премудраго, невѣжда наставляется отъ предводителя. <sup>5)</sup> Пречистая *Дѣва* есть и *Книга*, и *Премудрость*, и *Предводитель*.

---

<sup>1)</sup> И пристанище есть небурное.

<sup>2)</sup> Отъ.....

<sup>3)</sup> Помѣщена послѣ описанія чудеснаго исцѣленія Черниговскаго жителя *Лаврентія* отъ умопомѣшательства, что случилось въ 1672 году.

<sup>4)</sup> Стецѣтесь.

<sup>5)</sup> Руководителя.

Книгою есть <sup>1)</sup> по реченному Дамаскиномъ: «Книга новая, въ Ней же неизрѣченнымъ образомъ Богъ Слово кромѣ всякаго дѣла рукъ вписана». И Андрей Святый Критскій глаголетъ: «Книга воистину Жива Слова Отца, тайно вписаннаго животворною тростію Духа» <sup>2)</sup>. Сія Книга премудрыхъ превосходитъ разумъ, а любомудрыя и хитрословесныя немудрыя и безсловесныя творить; хотящія же отъ Ней научиться изъ глубины невидѣнія <sup>3)</sup> извличить. Любомудрствоваше и хитрословяше проклятый Несторій, уча Богородицу не глаголати, но Христородицу; сей, мняся быти премудръ, обезумися. Простъ быше святой Романъ пѣвецъ; сей Богородицею наученъ до тысяць кондаковъ написа, явлившия ему Пресвятѣй Владычици <sup>4)</sup> нашей Богородици во снѣ, и свитокъ книжный тому вдавши и повелѣвши снѣсти, иже и отверзъ уста своя, поглону хартію и исполнися премудрости: сея Книги взыщи всякъ хотяй учиться. Взыщи Ю, невѣжде, да научишися разума духовнаго: Та бо наставляеть къ разуму Божественному <sup>5)</sup> всѣхъ, зарею умъ просвѣщаючи. <sup>6)</sup> Взыщи Ю, горде, да научишися глубинѣ смиренія, не удобъ зримаго и Ангельскими очима. <sup>7)</sup> Взыщи Ю, нечисте, да обрящещи чистоты сокровище. Гнѣвливе со завистливымъ! взявше съ собою вкупѣ и лакомаго, <sup>8)</sup> взыщите Ю, да научитесь любви и духовныя нищеты. Чревообъястне <sup>9)</sup> со лѣнливимъ, поищѣта <sup>10)</sup> Марію, да воздержанію и бодрости навыкните. Дѣва Марія есть *Премудрости Божія пріятельнице*. <sup>11)</sup> Ненаказанніи! <sup>12)</sup> наказуйтеся отъ Ней: Та со *высокимъ проповѣда-*

1) Она есть книга...

2) Въ словѣ о успеніи Пресвятыя Богородицы.

3) Невѣдѣнія. См. Акаѳ. Богоматери, икосъ 9-й.

4) Явльшейся ему Пресвятѣй Владычицѣ..., т. е. когда явилась ему Пресвятая Владычица...

5) Къ познанію Бога.

6) Акаѳ. Икосъ 11-й.

7) Акаѳ. Икосъ 1-й.

8) Жаднаго.

9) Чревоугодниче.

10) Поищите.

11) Акаѳ. Икосъ 9-й.

12) Неразумніи, ненаученніи...

нѣмъ <sup>1)</sup> глаголетъ: иже есть безуменъ, да уклонится ко Мнѣ; и требующимъ ума рече: придѣте ядѣте Мой хлѣбъ, и пійте вино, еже чертахъ вамъ, и оставите безуміе. (Притч. 9, 3—5). Чудяшеса нѣкто, слыша вино, на неже призывается безумный, да упрямудрится: гдѣ бо вино даетъ премудрость? паче обезумляетъ и премудрыя. Не безъ вины Апостолъ велить *не упиватися виномъ* (Ефес. 5, 18); [ибо] аще и премудръ виномъ погубляетъ разумъ свой, то почто безуменъ на не призывается? точю да безумнѣйшій будетъ... Но рѣхъ ему не чудитися, ино бо есть вино то, что умъ погубляетъ, а ино вино Маріи, Иже <sup>2)</sup> совровиществова въ себѣ Божію премудрость. О винѣ Ея пророкъ извѣствуетъ, яко, не безуміемъ, но цѣломудріемъ упоеть: *вино*, рече, *родящее двѣ* (Зах. 9, 17), <sup>3)</sup> и кія двѣ? Не буія, но мудрыя, *пріемшиа елей въ сосудѣхъ со свѣтильники своими* (Мѣ. 25, 4). Симъ убо виномъ и буія никогда умудришася; <sup>4)</sup> не сумнися уже и ты, любимиче, о винѣ Ея, но придѣ и испій отъ Нея премудрость съ прочими. Питъ <sup>5)</sup> отъ Нея Дамаскинъ, почерпъ усѣченною рукою, и коль упрямудрися Аки источникъ бысть, истекающъ премудрыхъ пѣсній потоки. Слыши, что егову <sup>6)</sup> старцу глаголетъ во видѣніи Богородица: «не заграждай источника Моего». То уже ни ты <sup>7)</sup> лиши себе сицевая питія. Дѣва Богородица есть Предводитель: невѣжи наставляйтеся отъ Нея! Наставляше иногда Гedeонъ триста вой Израилевыхъ ко боренію съ Мадіамомъ, и странное въ нихъ бѣ видѣти къ брани устроеніе: <sup>8)</sup> вмѣсто меча и копій свѣщи въ рукахъ держяху и

1) Возвысивъ голосъ.

2) Иже, т. е. Марія.

3) По чтенію Острожскаго изданія; теперь читается это мѣсто у Захаріи Пророка такъ: *пшеница юношамъ и вино благуханно двамъ*.

4) И нѣкогда буія — умудришася. Последнее слово—*умудришася* въ текстѣ печатномъ 1683 г. стоитъ: *умудритеса*, т. е. въ той же формѣ, какъ и въ Библии, но безъ согласенія съ ходомъ мыслей въ данномъ мѣстѣ.

5) Пилъ.

6) Его.

7) Посему и ты не...

8) Уготовленіе.

симъ прогнанъ бысть супостатъ (Суд. 7, 20). Мадямъ адекъ бореть мя, и како прожену его, не вѣмъ! настави мя Ты, Богородице! имамъ бо Тя Свѣщу Свѣтопріемную, Ею же тьма темныхъ прогонится полковъ. Блаженъ и премудръ есть придержайся Свѣщи Сей, вмѣсто крѣпкаго оружія; безумень же есть нестяжавый Ея. Дѣвы оныя пять, повнегда свѣтильникомъ угаснути, буи имя<sup>1)</sup> себѣ притяжаху; неугасшіи же свѣщи имущіи, мудри именовашася. (Мѡ. 25, 4). Имѣяй Тя себѣ въ свѣтъ, о Владычице! — сей воистину мудръ есть; ходяй бо во свѣтъ Твоемъ не падется. Не имѣяй же Тя—буй и невѣжа, [сей] во тьмѣ ходить; *ходяй же во тьмѣ поткнется* (Іоан. 11, 10). Повелѣвашеся отъ Господа Моусеови во исходѣ, да свѣтильникъ во храмѣ свидѣнія никогда угаснетъ, но всегда да горить (Исх. 27, 20): се прообразоваше Наставницу нашу Пресвѣтлую, о Ней же Приточникъ предлагае: *не угаснетъ свѣтильникъ Ея всю ночь* (Притч. 31, 18). Сея свѣтъ всегда умъ озаряетъ, всегда тьму просвѣщаетъ, всегда ко разуму наставляетъ всѣхъ вѣрныхъ. О Всесвѣтлый Свѣте! просвѣти свѣтильникъ мой; Госпоже Богородице! просвѣти омраченную душу мою.

## Нравоученіе VI.

Всякъ непокаянный грѣшникъ есть безумень, не имать разума. Умъ или разумъ въ человѣцѣ есть едина свѣтлая свѣща, темности невидѣнія отгоняющая, показующая же, что есть доброе, а что злое, и всегда человѣка на свѣтлый заповѣдей Божіихъ путь наставляющая. Егда же человѣкъ, не послушая добраго, внутрь просвѣщающаго его разума, уклонится по волѣ своей злой, — *зане прилежитъ помышленіе чело-вѣку на злая отъ юности его* (Быт. 8, 21), — и пойдетъ по своимъ похотемъ, дѣя неподобная, аще и вѣсть, показующу ему разуму, что смертнѣ согрѣшати—зла вещь, за то бо имать вѣчнѣ казненъ быти,

<sup>1)</sup> Имя буйхъ, глушыхъ.

не брежетъ же о семь и нерадитъ о грѣсѣ своемъ: тогда изступуетъ <sup>1)</sup> ума, погубляетъ разумъ, и яко безуменъ въ темности буйства заблуждаетъ. О таковыхъ Псаломникъ [глаголетъ]: *не увидѣша, ниже разумѣша, во тьмѣ ходятъ* (Пс. 81, 5), и святой Каллистъ: «не имутъ воистину свѣтлости Божественнаго разума въ злобѣ и безчиніи живущіи; яко же бо солнечныя лучи закрываются отъ темныхъ облаговъ: тако умъ нашъ, въ души нашей аки въ полудне ясно свѣтящій, потемняется буйствомъ. А буйство кое большее, яко же грѣхъ?» <sup>2)</sup> Сице глаголетъ Хризостомъ: <sup>3)</sup> «ничто же есть злѣйше паче грѣха». Буими то <sup>4)</sup> творить сихъ, иже прежде разумомъ и премудростію быша велицы. Премудръ бѣше Соломонъ, но коль обезумися грѣху работая? И инѣхъ не мало премудрыхъ грѣхомъ погибоша. Молити убо требѣ прилѣжно Господа, да отгнавъ отъ насъ буйство грѣховное, просвѣтитъ нашъ умъ свѣтомъ разума святаго Евангелія. Господи, *вразуми мя, и испытаю законъ Твой, и сохранию и* <sup>5)</sup> *всѣмъ сердцемъ моимъ. Благости и наказанію и разуму научи мя.* (Пс. 118, 34, 66).

## Бесѣда VII <sup>6)</sup>.

*Яко же коло мѣти утѣшаетъ, такоже и  
Азъ утѣшаю вы.*

Ис. 66, 13.

Пророковаше Исаія: *у горы сея испіютъ радость, испіютъ вино* (Ис. 25, 6) Не вопрошаю тя, Пророче, у коея то горы испіютъ радость, испіютъ вино, егда въ горѣ Болдынстѣй сицевое нитіе вижду, — нитіе

<sup>1)</sup> Изступается изъ..., лишается...

<sup>2)</sup> Наука (то есть: поученіе) въ недѣлю 27.—Примѣч. на полѣ.

<sup>3)</sup> Злагоустъ.—Въ бесѣдѣ 17 на Бытіе.

<sup>4)</sup> Т. е. грѣхъ.

<sup>5)</sup> Его.

<sup>6)</sup> Помѣщена послѣ описанія чудеснаго исцѣленія малолѣтней дочери Черниговскаго жителя, капитана Андрея Рачкевича, страдавшей слѣпотой и нѣмотою; это чудо совершилось предъ чудотв. Иконою Ильинской, во время обычнаго чтенія Акаѣиста въ субботу.

же глаголю благодать Пресвятой Дѣвы отъ Иконы Ея чудеснѣ истекающую: то наша радость, то наше вино, еже всякъ притекаая несумнѣнно, пѣть. Притекаетъ здѣ печальный, и пѣть радость. Притекаетъ болящій, и пѣть здравіе. Притекаетъ немощный, и пѣть силу. Притекаетъ грѣшный, и пѣть спасеніе. Притекаетъ праведенъ, и пѣть надежду. Притекаетъ беззаконный, и пѣть цѣломудріе. Притекаетъ ненадежный и пѣть упованіе. Притекаетъ невѣжда, и пѣть разумъ. И вси притекающіи піють отъ обилія благодати Ея потокъ сладости духовныя: Она бо есть Рѣка Божія даровъ наполненная, отъ Ея же исполненія и мы приедемъ. Повѣствуетъ Давидъ, яко *вино веселитъ сердце человека* (Пс. 103, 15); и кое вино тако веселитъ сердце, яко Ты, о Маріе, Лозо Истиннаго Винограда? Ты еси Чаша, черплющая радость, <sup>1)</sup> Чаша же добра, претрусна <sup>2)</sup> и преизливающаяся. Праведныхъ цѣлою чашею радости напаяещи, грѣшныхъ же—тѣми каплями, иже отъ изобилія чаши Твоя преливаются. Обаче насъ и сими напой жаждущихъ: аще бо *пси ядятъ отъ трапезы господій своихъ* (Марк. 7, 28), то тыя же пси и да піють отъ капель, преливающихся [изъ] чаши милости Твоя и—довлѣтъ имъ! Сильна бо есть едина капля Твоя Благодати увеселити сердце, яко же и цѣлая чаша. Пишетъ Іоаннъ Святыи, что въ Канѣ Галилейстѣй *сотвори Іисусъ начатокъ знаменіемъ Своимъ*, претворъ воду во вино и яви славу Свою (Іоан. 2, 11). Да будетъ ми лѣтъ <sup>3)</sup> рещи, яко начатокъ Чудесъ Своихъ Господь мой сотвори во Пречистой Дѣвѣ Маріи: [ибо] тако Ей чтеть Церковь, похваляя: *радуйся чудесъ Христовыхъ Начало!* <sup>4)</sup> Здѣ-то всѣхъ знаменій и чудесъ Божіихъ главизна: *радуйся веленій Его Главизно!* <sup>5)</sup> Здѣ [Господь] яви славу Свою, вселся во утробѣ Славнѣйшей Серафимовъ, и сотворивъ спасенію нашему начатокъ и вѣчныя тайны явленіе. Тамо лучшее Свое вино поставилъ на конецъ брака, идѣже можаху мнози уже быти и піяны, здѣ же ви-

<sup>1)</sup> Акае. икосъ 11-й.

<sup>2)</sup> Утрясенная, нагнетенная.

<sup>3)</sup> Позволено.

<sup>4)</sup> Акае. икосъ 2-й.

<sup>5)</sup> Тамъ же.

но сіе мысленное, глаголю — Матерь Свою Пречистую, поставляетъ въ начало жажды нашея, егда жаждемъ спасенія, егда жаждемъ въ бѣдахъ помощи, егда жаждемъ въ скорбѣхъ утѣхи; жаднымъ намъ Ю подаетъ, сице жаднымъ, *якоже жаждетъ елень на источники водныя* (Пс. 41, 2). Вино брачное на время увеселило друзей жениховыхъ; сіе [же вино] увеселяетъ на вѣки. Аще тамо отъ воды вино составися, — и здѣ вся воды скорбій, печалій и недуговъ нашихъ претворяются во вино радости, веселія и здравія. О Пречистая! *исполни веселія сердце мое, Твою нетлѣнную дающи радость, веселія рождиши Виновнаго!*<sup>1)</sup>.

## Нравоученіе VII.

Двѣ суть слѣпотѣ: тѣлесная и душевная, но другая горша есть первая. Тѣлесная бо аще и всѣмъ видится зла, что вкупѣ со свѣтомъ утѣхи отъемлетъ, яко рече Святой Товія: како мнѣ радость будетъ, понеже во тьмѣ сижу и свѣта небеси не вижду; — обаче временна есть вкупѣ съ житіемъ человѣческимъ; скончается скончавшуся житію, по скончаніи же [человѣкъ] начнетъ зрѣти свѣтъ немерцающій. Нѣсть же и зла [сія слѣпота]: пользуется бо душу, и помогаетъ спасенію; отъяту сущу очному зрѣнію, отъемлется оазія<sup>2)</sup> ко грѣху: никогда сердце не возделѣетъ, аще око не покажетъ, и егда что увидеть презъ<sup>3)</sup> око до сердца, не скоро исходитъ отъ него. Отколѣ<sup>4)</sup> глаголетъ Святой Григорій: «единого образъ лица сердцу чрезъ очи привязанный, не удобъ великая нужды<sup>5)</sup>, руками отрѣшиться можетъ»<sup>6)</sup>. И Римскій древній мудролюбецъ Сенека, утѣшая нѣкоего [сущаго] во слѣпотѣ, глаголетъ, что слѣпота есть<sup>7)</sup> ча-

1) Канонъ молебный Пресвятой Богородицѣ, пѣснь 5-я.

2) Вина (примѣч. подлинника). Поводъ ко грѣху.

3) Чрезъ....

4) Посему.

5) Трудно, съ великимъ усиліемъ.

6) На Иоанна, бес. 31.

7) Служить.

стью невинности, а очи грѣховъ предводителями; «плачешь, рече, яко погубилъ еси очеса: о коль многимъ вожделеніемъ нуть тебѣ пресѣченъ есть! о коль многихъ вещей зрѣти не будешь, ихъ же бы тебѣ видѣти не подобало! Или не вѣси, что слѣпота есть частью невинности? Очеса—кому показываютъ нечистоту, кому домы, кому имѣнія и многообразное зло, --воистинну очи грѣховъ суть вожди!»<sup>1)</sup> Аще убо очеса сице вредятъ душу, то слѣпота, отъемлющая вину вреда, есть не бесполезна, но и спасенію виновна. А душевная слѣпота—о коль зла и душевредна, егда отъемлетъ намъ<sup>2)</sup> то, въ чесомъ вся радость, все блаженное наслажденіе Угодниковъ Божіихъ залежить,<sup>3)</sup> въ чесомъ вся труды покой имуть, вся подвиги вѣнцы носить, вся добродѣтели похвалу и мзду пріемлютъ,—се же есть видѣніе Лица Господня: то бо конецъ и пристанище всего небеснаго пути, егоже [аще] кто шествуетъ, [то] не почто ино, точію да видить Лице Господне: *когда прииду* [взываетъ Давидъ] *и явлюся Лицу Божію* (Пс. 41, 3)? *насышуся, вегда явитмися слава Твоя* (Пс. 16, 15). Того всего лишаетъ насъ слѣпота душевная: *нечестивіи не узрятъ Славы Твоея*, Боже (Ис. 26, 10), что само горѣе есть всякаго зла. Яко же бо Лице Господне видѣти, блаженнѣе есть паче всѣхъ небесныхъ блаженствъ, тако не видѣти Его лютѣе есть паче всѣхъ адовыхъ мучительствъ. Тако разсуждаетъ Златоустый Святый: «аще бы кто повидѣлъ тысящу гееннъ, ничто же сего реклъ бы лютѣе, еже отъ блаженныя славы чести изгнану и отъ Христа возненавидѣну быти, и слышати отъ Него: *не вѣмъ васъ* (Мѣ. 25, 12)! Слѣпота же душевная есть: непознаніе себе, непровидѣніе грядущихъ бѣдъ: смерти, суда и геенны, и вся смертныя грѣхи и страсти, въ нихъ же кто обываетъ и не хочетъ прійти въ чувство. Отаковой душевной слѣпотѣ Премудрость глаголетъ: *ослѣпи ихъ злоба ихъ, и не увидѣша Таинъ Божіихъ, ниже мзды уповаша преподобныя* (Прем. 2, 22). И Давидъ Пророкъ: *развратиста умъ свой и уклониста очи свои яко не*

<sup>1)</sup> Въ книгѣ: Щитъ терифнія, II, 24.

<sup>2)</sup> У насъ.

<sup>3)</sup> Заключается.

*воззлгдати на небо* (Дан. 13, 9). И Псаломникъ: *очи свои возложиша уклонити на землю* (Пс. 16, 11). Сице ослѣпленнымъ не являетъ Господь Лица Своего: глаголетъ [бо] у Іереміи: *хребетъ, а не лице покажу имъ* (Іер. 18, 17). Не велятъ врачеве здравому присмотрѣватися схорѣлымъ <sup>1)</sup> или ослѣпленнымъ очесамъ, да не и здравыхъ зѣницы повредятся: и Небесный Врачъ отъ ослѣпленія нашего Лице Свое со свѣтлыми очесы своими отвращаетъ: *отвращеніемъ*, рече, *отвращу Лице Свое отъ нихъ въ той день, злобъ ради всѣхъ, яже сотвориша* (Втор. 31, 18). Егда же Господь отвращаетъ отъ насъ Лице Свое, тогда вся бѣды насъ постигаютъ, что Самъ [Онъ] изъявляетъ: *разгнѣваюся яростию на ня въ той день и оставлю я, и отвращу Лице мое отъ нихъ, и будутъ во изъяденіе, и обрящутъ я зла многа и скорби* (Втор. 31, 17). Того ради Давидъ сѣтуетъ: *отвратилъ еси Лице Свое и быхъ смущенъ* (Пс. 29, 8), — *отвращу же Тебъ Лице, возмьются* (Пс. 103, 29). Воспрянемъ убо, и къ Благому Врачу, Просвѣщающему всякаго человѣка, со слѣпотою нашею душевною притецѣмъ молящеся: *душевными очима ослѣпленъ, къ Тебъ, Христе, прихожду, яко же слѣпый отъ рожденія.* <sup>2)</sup> *Не отвержи Мене отъ Лица Твоего* (Пс. 50, 13). *Не отврати Лица Твоего отъ отрока Твоего, яко скорблю* (Пс. 68, 18); *Тебъ рече сердце мое: взыска Тебе лице мое, Лица Твоего, Господи, взышу* (Пс. 26, 8).



<sup>1)</sup> болѣзнуюющимъ.

<sup>2)</sup> Канонъ въ недѣлю 7 по Пасхѣ.

## Бесѣда VIII. <sup>1)</sup>

*Разрѣшила еси соузъ чловѣчскій дре-  
нляю осужденія; тѣмъ молю Тя, Богороди-  
тельнице: разрѣши всякъ соузъ злобный  
сердца моего, связавши мѧ, Пречистая,  
Божественною любовію Зиждителя.*

І. Дам. въ Окт. гласъ 2 въ  
четверт. на повеч. пѣснь 8-я.

Кто-либо <sup>2)</sup> во узахъ сый хоцещи отрѣшиться и свободъ быти, здѣ  
внемли: Марія разрѣшаетъ узы, Та даетъ свободу. Связа иногда <sup>3)</sup> Оло-  
фернъ Ахіора къ древу рукама и ногама, и кто его отрѣши? Градъ Ве-  
еулія. Сынове Израилевы, исходяще отъ Вееуліи, придоша къ нему, и  
разрѣшивше его, приведоша въ Вееулію (Лудію. 6). Вееулія бѣше образъ  
Богородичень: яко же бо градъ онъ не одолѣнъ бысть врагами, тако ни  
Богородицы одолѣвають вси хулящїи Ю; и яко отъ Вееуліи рука жен-  
ска усѣче главу Олофернову (Лудію. 13), тако Богородица обезглави  
тѣмъ князя, и яко же жители Вееуліи Ахіора отъ древа отрѣшаютъ,  
тако молитвы Богородичны рѣшаютъ всякаго, Олоферномъ адскимъ свя-  
заннаго. Благополучень еси, Ахіоре, яко аще и связанъ былъ еси, обаче  
близъ Вееуліи, прообразующія Матерь Іисусову: тоію бо сѣвию Тоя прї-  
ялъ еси отрѣшеніе! Благополучны и мы, приближающїя къ Самой  
Богородицѣ: Тою бо <sup>4)</sup> чаемъ избыти узъ нашихъ. Не единого отъ насъ  
врагъ нашъ невидимый вяжетъ—то коимъ <sup>5)</sup> недугомъ, то страстьми.  
Вяжетъ недугомъ, яко же реченнаго <sup>6)</sup> чловѣка; и во Евангелїи чтется

---

<sup>1)</sup> Помѣщена послѣ описанія чудеснаго исцѣленія нѣкоего бѣсноватаго Ермолая предъ  
Ильинскою Чудотворною Иконою Богоматери.

<sup>2)</sup> Аще кто...

<sup>3)</sup> Нѣкогда.

<sup>4)</sup> Въ подлинникѣ очевидная опечатка: *тобою*, вм. *тою* бо.

<sup>5)</sup> Каковымъ-либо.

<sup>6)</sup> Исцѣленнаго Ермолая.

о нѣкоей женѣ связаннѣй бывшей отъ сатаны не мало лѣтъ: *сію дщерь Авраамлю сушу, юже связа сатана се осьмоенадесять лѣто, — не достояше ли разрѣшиться ей отъ юзы сея* (Лук. 13, 16)? Вяжетъ насъ врагъ страстьми, на весь міръ своя распростерши сѣти, яко же видѣ святой Антоній, отъ земли даже до небеси, [и] тѣми уловляетъ насъ аки птицу. Глаголетъ святой Амвросій: «яко же птица, тако душа наша многоразличными видами уловляется: сило <sup>1)</sup> во златѣ, сѣтъ въ сребрѣ, пленицы во имѣніяхъ, узы въ любодѣяніи. Егда злато собираемъ, удавляемъ; егда сребра ищемъ, уловляемъ; егда имѣнія наслѣдствуемъ, затыаемъ; <sup>2)</sup> егда кого доброта женская прельщаетъ, сего узами связуетъ. Того ради плачетъ Іеремѣя: *ловяще уловиша мя, яко птицу врази мои туше* (Пла. Іер. 3, 52). Во сицевыхъ узахъ что сотворимъ?—Возопимъ къ Богородицѣ; [и] Тою яко Ахіоръ Веоулію будемъ разрѣшены. Веоулія излагается <sup>3)</sup> *Дѣва*, и кая Дѣва сице есть сильна разрѣшати узы, яко Дѣва Марія? Та имать власть вязати и рѣшати. Но кого Она вяжетъ? кого же рѣшитъ?—Вяжетъ Сына Божія на землѣ пеленами, вяжетъ и въ небѣ молитвами. Да елико [Онъ] связася на земли, будетъ связанъ и на небеси, (Мѣ. 18, 18) и толико Его на небеси молитвами вяжетъ, яко ниже руку Ему воздвигнути, во еже ударити казнію грѣшника, и аще бы не Она Его связовала Матерними мольбами, *уже бы во адъ вселилася душа наша* (Пс. 93, 17);—*аще бо не бы Ты предстала молящи за ны, кто бы насъ избавилъ отъ толикихъ бѣдъ? Кто бы насъ сохранилъ до нынѣ свободны?* <sup>4)</sup> Кого же Та Узорѣшительница разрѣшаетъ? Насъ, связанныхъ грѣхами; сице [бо] къ Ней молимся: *разрѣши мнѣ прегрѣшеній моихъ Богоневѣсто.* <sup>5)</sup> Ни бо терпять рода человѣческаго связанна зрѣти, сущи свободы Мати. Связаны быхомъ клятвою всеродною, юже наведе прамати Евва: сію [клятву] разрѣши Дѣва Богородица: *радуйся, клятвы раз-*

<sup>1)</sup> Силокъ, пѣтля.

<sup>2)</sup> Запутываемся.

<sup>3)</sup> Толкуется, переводится (съ Еврейскаго).

<sup>4)</sup> Канонъ Молебный Богоматери, тропарь.

<sup>5)</sup> Тамъ же, пѣснь 5-я.

*рѣшеніе, падшихъ исправленіе!* <sup>1)</sup> Связаны бѣху неплодіемъ родители Ея Іоакимъ и Анна, и сія узы Она разрѣши: *днесь безчадія узы разрѣшаются, Іоакима и Анны услыша Богъ, паче надежды родити тѣма явь обѣцаетъ Богоотроковицу.* <sup>2)</sup> Не раждаемъ и мы добродѣтелей плода, аки смоковница неплодная, связаны бо есмы узами грѣхоблюбія: *взыщѣмъ прилѣжно отъ Узорѣшителки* <sup>3)</sup> *разрѣшенія [и] Тоя молитвами разрѣшеніе* улучивше, принесемъ *плодъ духовный: любви, радость, миръ, долготерпѣніе, благодать, милосердіе, вѣру, кротость, воздержаніе* (Гал. 5, 22).—О мысленная Веоуліе! разрѣши мя пленицами грѣховъ связаннаго, да достойны сотворю плоды покаянья!...

### Нравоученіе VIII.

Не только своими хитросплетенными пленицами, но и нашими собственными <sup>4)</sup> врагъ насъ связуетъ, егда мы, возлюбльше кую страсть, сами ея держимся, о ней любезнѣ помысляюще, и ту мысль въ сердци сладцѣ удерживающе, и не точію исполнити желающе дѣломъ, но и благополучнаго на се време не ищуще, и сами окказію <sup>5)</sup> себѣ подающе до грѣха; отсюду [и] глаголетъ Приточникъ: *пленицами грѣховъ своихъ каждо затязается* (Притч. 5, 22). Юнъ нѣкто моли старца молитися о немъ, да облегчаютъ ему страсти, «яко зѣло ми, рече, стужаютъ, и не могу терпѣти.» Молившу же ся святому не мало время съ постомъ и бдѣніемъ, прииде юный, повѣдая, яко ни малу имать ослабу отъ навѣта вражія. Чуди же ся преподобный како не успѣвають молитвы его, и приложи постъ къ посту, бдѣніе ко бдѣнію, труды къ трудамъ, моля Господа, да отженеть отъ него искусителя. И се, явися ему бѣсъ, глаголя: «что труждаешься, старче, о онѣмъ юнѣмъ? азъ, по вегда ты

<sup>1)</sup> Акаѳистъ, на хвалит. стихира 3-я.

<sup>2)</sup> Тропарь Декабря 9.

<sup>3)</sup> Узорѣшительницы.

<sup>4)</sup> Собственными.

<sup>5)</sup> Вину (примѣч. на полѣ въ подлин.)

начать о немъ молитися, отступихъ отъ него, по той самъ себѣ бѣсъ, ядый и пійай безъ времени, и сна доволѣ, <sup>1)</sup> упокоевая свое тѣло, живя во праздности и приѣмля любезно скверныя мысли, сихъ удержавая, и въ нихъ услаждаяся, и [сіе] то ему <sup>2)</sup> возбуждаетъ страсти, зачинаетъ грѣхъ и родить беззаконіе.» Смотри, како отецъ жи глаголетъ истину: во истинну бо отъ насъ самѣхъ, отъ нашего произволенія множицею дѣются неподобная, по реченному: *а еже отъ нихъ бываемая отай, срамно есть и глаголати* (Еф, 5, 12). И мы сами вольною волею многаши виновны погибели нашея бываемъ. Убо возненавидѣмъ грѣхи наша, отсѣцѣмъ страсти наша, не приѣмлѣмъ скверныхъ мыслей, ниже ихъ удерживаймо <sup>3)</sup> въ сердци нашемъ, во пищи и питіи будѣмъ воздержны, во снѣ бодры, въ дѣлѣ не лѣнны, — тако разрѣшимъ пленицы грѣховъ нашихъ, *расторгнемъ узы ихъ и отвержемъ отъ насъ шю ихъ* (Пс. 2, 3), и внемлѣмъ Апостолу совѣтующу: *да не царствуетъ убо грѣхъ въ мертвенномъ вашемъ тѣлѣ, во еже послушати его въ похотѣхъ его; ниже представляйте уды ваша оружія неправды грѣху, но представляйте себе Богови, яко отъ мертвыхъ живы, и уды ваша оружія правды Богови. Грѣхъ бо вами владѣти не будетъ. Яко же бо представите удеса ваша рабы нечистотъ и беззаконію въ беззаконіе, тако и нынѣ представте удеса ваша рабы правды во святыню* (Рим. 6, 12—14. 19).

---

<sup>1)</sup> Довольно.

<sup>2)</sup> Въ немъ.

<sup>3)</sup> И не будемъ удерживать.

## Бесѣда IX. <sup>1)</sup>

*Радуйся, невидимыхъ враговъ мученіе!*

Акаѳ. Икосъ 4-й.

Многи бяху мучители, различные образы мукъ избобрѣтающіи на чело-  
вѣка. Кто мечи, кто огни, кто разженные волю и сковрады, кто кипя-  
щую смолу и елей, кто въ водахъ потопленія, яко глаголати святымъ  
Мученикомъ: *придохохъ сквозь огонь и воду* (Пс. 65, 12). Но ни  
единъ тако лють мучитель, яко діаволь, — ни едина лютейшая муча  
паче муки духа лукаваго, иже *множицею повергаетъ человека во огонь и въ  
воду да погубитъ его* (Мр. 9, 22). Не малые и во адѣ глаголють быти  
мучительства: огонь неугасимый, скрежетъ зубный, червь неусыпающій  
и прочія. Но ни тыя суть точны <sup>2)</sup> демономъ, глаголетбояся <sup>3)</sup> яко то-  
чю видѣніе ихъ страшнѣйшее есть паче всякія муки. Сихъ страшныхъ  
и прелютыхъ мучителей кто умучити и отъ мукъ ихъ кто избавити  
можетъ? Можетъ Пресвятая Дѣва Марія. Яряшеса <sup>4)</sup> Авимелехъ на бра-  
тію, ихъ же и изби, — на Сихемъ, его же и запали, — на Фивисъ, его  
же и обседе, <sup>5)</sup> и кто его яростнаго прещенія не убояся? Все пробѣгше  
гряхуся, все въздоша на столпы и защищахуся. Обаче не убояся жена,  
но и прещеніе его укроти, и ярость попра, сверже изломилъ <sup>6)</sup> жернов-  
ный на главу Авимелеха и сокруши ему темя (Суд. 9). Се образъ быше  
Благословенной въ женахъ, Яже Каменемъ — Христомъ порази на главу <sup>7)</sup>

<sup>1)</sup> Положена послѣ описанія чудеснаго исцѣленія бѣсноватаго Михаила предъ иконою Пре-  
святыя Богородицы Ильинскія; при чемъ сей Михаилъ, въ изъявленіе своего благодаренія  
къ Цѣлительницѣ остался въ св. обители Ея трудиться на послушаніи.

<sup>2)</sup> Не могутъ быть сравнимаемы.

<sup>3)</sup> Ибо сказано.

<sup>4)</sup> Гнѣвался. Авимелехъ, сынъ Гедеона, судія Израильскаго.

<sup>5)</sup> Осадилъ.

<sup>6)</sup> Обломокъ.

<sup>7)</sup> Во главу.

адскаго Авимелеха, убивающаго ны: [ибо] *онъ челоуькоубійца искони* (Иоан. 8, 44), и запалющаго ны огнемъ страстей: *отъ юности мояа врагъ мя искушаетъ, и страстми палитъ мя,* <sup>1)</sup> и осаждающаго ны своимъ ловленіемъ, сътъ препя ногама нашимъ: *при стези соблазны положили намъ* (Пс. 139, 6). Мимо иду здѣ Іаилъ, иже коломъ проби главу Сисаррѣ, ниже возбесѣдую о Юдиѣ, обезглавившей вожда вой Ассирійскихъ: обѣ тыя бяху сѣновное прописаніе Дѣвы Маріи, Стершей главу мучителюу. Кому бѣсъ язва? Марія бѣсомъ рава: *радуйся, бѣсомъ многоплачевная язва!* <sup>2)</sup> Кого души лукавіи смущаютъ? Она, Духомъ святымъ осѣннена, духовъ лукавыхъ мучить, яко вопѣти имъ къ Сыну Ея: *пришелъ еси прежде времени мучити насъ* (Мѣ. 8, 29)! Всеи убо боящіяся бѣсовскаго мучительства, къ Ней прибѣгнемъ вопіюще: о Всепѣтая! грядущаго насъ изми мученія!

## Нравоученіе IX.

О всякомъ, въ нечистотѣ препровождающемъ дни своя, глаголатися можетъ, что страждетъ отъ духа нечистаго: гдѣ бо тако духъ нечистый жити любитъ, яко въ удесехъ блудничихъ. Совѣтоваше иногда Ангелъ Рафаилъ Товіи пояти себѣ во жену Сарру; [и] отрече ему Товія, глаголя: слышахъ, яко дана бѣ седми мужемъ и мертвы суть; но и се слышахъ, яко демонъ уби я. Отвѣща ему Ангелъ: послушай мя, азъ ти скажу, надъ ними же демонъ имать власть: сіи, иже оженяются сице, да Бога отъ себе и отъ своего ума отгоняютъ, и своему блудству тако настоятъ, яко конь и мескъ: надъ сими демонъ имать власть (Тов. 6). Но что глаголеши, о Ангеле, яко надъ тѣми точію имать власть діаволь? Не имать ли власти [и] надъ инѣми грѣшниками? Надъ гордыми, надъ завистными, надъ гнѣвливыми, надъ объаствными <sup>3)</sup>, надъ

<sup>1)</sup> Антифонъ 1-й 8-го гласа.

<sup>2)</sup> Акаѳ. Пресвятой Богородицѣ, икосъ 2-й.

<sup>3)</sup> Надъ пресыщающимися чревоугодниками.

пiаницами и прочими? — Имя воистину, пишется во Апостолѣ: *творяй грѣхъ отъ діавола есть* (1 Іоан. 3, 8); обаче паче инѣхъ власть свою во блудницѣхъ распространяетъ, ибо [онѣ] суть свойственнѣ еговымъ жилищемъ <sup>1)</sup>. Изгоняше иногда Господь бѣсы отъ бѣснаго, ихъ же бѣше легионъ, и се молятъ Его, да не повелитъ имъ ити во бездну, но во свинія, пасомыя при водахъ, и повелѣ имъ Господь. Они же изшедше внидоша во свинія, яко въ свой домъ свойственный <sup>2)</sup> (Лук. 8, 33). Двоѣ <sup>3)</sup> здѣ, два учителя заходныи <sup>4)</sup> усматриваютъ, Августинъ со Петромъ Хризологомъ, — первое: почто бѣсы, горды суще, не просятъ внити во великія и славныя кія звѣри: во львы, рыси, слоны, елени и прочая, но въ безчестныя свинія? Второе: почто Господь не отрече имъ, но скоро повелѣ, понеже первѣе ни единого ихъ прошенія послушати хотяше: просиша, *да каменіе хлѣбы будутъ*, (Мѣ. 4, 3) да вержетъ себе низу со крыла церковнаго (Мѣ. 4, 5),—Онъ же никакоже ихъ послуша; во свинія же внити безъ отреченія попускаетъ. И отвѣщаютъ на се: всяка, рече, вещь подобныя себѣ ищетъ; бѣсы суть нечисты, — тако Господь наричетъ бѣса изгоняя: *душе нечистый, изыди отъ чловѣка* (Мр. 5, 8);—нечисты же суть и свинія, въ блатѣ валяются, ихъ же и мясо ясти, яко нечистыхъ, неповелѣвашеся во Ветсѣмъ Завѣтѣ, и того ради бѣсы во свинія, нечистии во нечистыхъ внити просятъ, яко подобніи подобныхъ любятъ. Тако Хризологъ: зри, рече, гдѣ бѣсъ хочетъ жити: въ нечистыхъ животныхъ и мерзкихъ, и онъ бо нечистоту любитъ. На второе же отвѣщаетъ Августинъ Блаженный: того ради повелѣ Христосъ внити бѣсомъ въ оны свинія, да покажетъ, что они въ тѣхъ живутъ, иже во мерзостехъ, яко же свинія въ блатѣ валяются. И кія то суть, иже яко свинія во блатѣ во мерзостехъ живущи? Воистину сіи, иже нечистотѣ тѣлесной служатъ; тако повѣствуетъ святой Хризостомъ: «и что зло не содѣлаетъ плотская

<sup>1)</sup> Служать по преимуществу ему жилищемъ.

<sup>2)</sup> Собственный.

<sup>3)</sup> Два обожителя.

<sup>4)</sup> Западные.

сласть? Отъ человѣка свинію творить!»<sup>1)</sup> И прилагаетъ онъ учитель, что въ таковомъ, якоже въ дому своемъ діаволь пребываетъ, таковъ, рече, человѣкъ ничимъ же разствууетъ отъ бѣснаго: сице есть безстуденъ, сице яръ, сице злобенъ, яко же бѣсный. Гдѣ нечистота, тамо и бѣсъ. Повѣсть чтахъ у Проспера, иже живяше во время Августина Блаженнаго, что въ Кароагенѣ быше нѣкая дѣва отъ Аравіи, иноческа я одѣянія носящи. Сей случися видѣти образъ языческа богини Венеры, зѣло безстуднѣ изображенный, [и] отсюду пріять скверную мысль въ сердце. Да якоже въ ней на долзѣ услаждашеса, распалаяшеса похотію и соизволяше мыслию и бысть бѣсу жилище: вниде бо въ ню духъ нечистъ и мучаше ю. Зри, како замышленная точію нечистота уже бываетъ вертепомъ разбойникови діаволу. То<sup>2)</sup> что [же] речемъ о исполненной дѣломъ? Убоимся убо, братіе, сія слышаще. Хранѣмся нечистоты, да не таяжде постраждемъ; *очистимъ себе отъ всякія скверны плоти и духа творяще святыню въ страхъ Божіи* (2 Кор. 7, 1), — поревнуимъ тѣмъ, иже и смертію пострадаша цѣломудрія ради!

### Бесѣда X. <sup>3)</sup>

*Радуйся, мучителя безчеловѣчнаго измѣтающая отъ начальства!*

Агаа. Икосъ 5-й.

*Не вѣста, коего духа еста вы*, (Лук. 9, 55) речеся иногда нѣциимъ ученикомъ Христовымъ. Егда бы кто восхотѣлъ присмотрѣтися различнымъ духовомъ различныхъ людей нынѣшнихъ временъ: духу гордыни, духу неправды, духу лукавства, духу вражды, духу рвенія, духу ярости, духу ненависти, [то] что бы рекъ? Точію се: *не вѣста*,

<sup>1)</sup> Бесѣда 19-я къ Антиох. народу.

<sup>2)</sup> А если такъ, то...

<sup>3)</sup> Положена послѣ описанія чудеснаго исцѣленія нѣкоего бѣсноватаго Даміана, изъ города Минска, который потомъ и остался служить своей цѣлительницѣ въ монастырѣ Ильинскомъ.

*коего духа еста!* Кождо бо своимъ духомъ дышетъ, а не якоже прежде вси единымъ дышаху, живуще въ любви единомушни, единомудренни; нынѣ же *другъ друга раздражающе, другъ другу завидяще* (Гал. 5, 26); суть многодушни, о души своей сице другій небрежетъ, аки бы не одну, но многія имѣлъ души: погубльши одну, имать про запасъ другую и десятую, — сицевыхъ достоинъ нареци бездушными, не хранять бо души своя во живсть вѣчный, имуще въ сердци своемъ много духовъ злобныхъ собранныхъ, яко событися глаголу Давидову: *сердце его собра беззаконіе себѣ* (Пс. 40, 7). Но кто отъ насъ сія беззаконныя отженеть духи? Та на Ню же Духъ Святый найде и сила Вышняго осѣни, — аще точію духомъ сокрушеннымъ и смиреннымъ къ Ней прибѣгнемъ. Мучаше иногда Саула бѣсъ; Духъ Господень отступи отъ Саула и даляше и духъ лукавый, и [тогда] что творять отроцы его? Ищутъ Давида со гуслями; и бысть, егда быти духу нечисту во Саулѣ, примъ Давидъ рукама своима гусли и пояше и, <sup>1)</sup> и отдохнувъ Саулѣ, и благо ему бысть, и отступи отъ него духъ нечистый (1 Цар. 15, 23). Отгуду гуслемъ симъ сицевая сила, яко возмогоша единѣмъ подвиженіемъ струнъ отгнати отъ чловѣка духа лукаваго, его же едва кто прилѣжною молитвою и великимъ постомъ, несумпѣнною же вѣрою изгнати можетъ? Отсюду, яко прознаменоваше Дѣву Богородицу, тако бо Ей чтеть церковь: *радуйся, Богоотца Давида составная Цѣвнице Духа Святаго!* <sup>2)</sup> И то прогоняше духа лукава, яко въ тыхъ гуслехъ баше прописаніе Матере Господни, Ея же молитвы, аки струны, егда возгласять предъ Богомъ, абіе вси дуси лукавиі пробѣгають, аки прахъ, вѣтромъ возметаемый. Къ Сей убо воззовемъ молящися, да проженеть отъ насъ духи лукавыхъ и да умолитъ Бога, *Духъ правъ обнови во утробѣ нашей* (Пс. 50, 12). — Молитвеннице теплая! не престаи молящися о рабѣхъ Твоихъ!

1) На нихъ.

2) Акаѳ. на Успеніе Богоматери, икосъ 5-й.

## Правоученіе X.

Не точію предъ Сауломъ, но и предъ Богомъ Давидъ пояше въ гусли, глаголетъ бо: пою Тебѣ въ гуслехъ, Святыи Израилевъ (Пс. 70, 22)! Пояше предъ Сауломъ, да отженеть злаго духа. Пояше предъ Богомъ, да привлечеть Благаго Духа: *уста моя, рече, отверзохъ и привлекохъ Духъ* (Пс. 118, 131); *Духъ же Благій, наставляющъ на землю праву* (Пс. 142, 10). Но въ кія гусли пояше Давидъ предъ Богомъ? Чаю <sup>1)</sup> болѣе, неже во вещественныя: пояше Давидъ въ гусли мысленныя, си есть, во Божія оправданія, сохраняя ихъ: *оправданія Твоя сохраню, не остави мене до зъла* (Пс. 118, 8); Божія бо заповѣди *во правду гуслями нарецися* могутъ. Ибо яко же во гуслехъ, аще едина струна не будетъ настроена, вся гусли несогласну издадутъ пѣснь, тако во заповѣдехъ Божіихъ: аще едина не исполнится, то вся ни вочто же: *аще кто во единомъ согрѣшитъ* глаголетъ Іаковъ, *бысть всѣмъ повиненъ* (Іак. 2, 10). Егда убо и мы хотимъ отгнати отъ себе злобныя духи, привлещи же Благаго Духа, примѣмъ гусли—Божія заповѣди, и тыя сохранѣмъ вся, аще бо не вся сохранимъ, то не будетъ пріятна пѣснь наша Богу. Давидъ глаголетъ, яко *благо есть исповѣдаться Господеву и пѣти имени Его въ десятиструнный псалтири съ пѣснью въ гусльяхъ* (Пс. 91, 1. 4). Черезъ десятиструнную псалтирь учителя разумѣютъ десятерицу Божіихъ приказаній <sup>2)</sup>. Егда кто во вся сія струны воспоеть, сего благо есть исповѣданіе. Поминаеть Господь во Евангеліи жену, погубльшую отъ десяти едину драхму, како со прилѣжаніемъ ея ищетъ; *всмагаетъ свѣтильникъ и пометаетъ храмину и ищетъ прилѣжно, дондеже обрящетъ; обрѣтши же, созываетъ дружини и сосѣды, глаголющи: сорадуйтемяся, яко бо-*

<sup>1)</sup> Думаю, что...

<sup>2)</sup> Заповѣдей.

*рѣтохъ драхму погибшую* (Лук. 15, 8. 9)! И что се есть <sup>1)</sup>, яко сице радуется о обрѣтеніи десятиа драхмы? Не безъ труда, чаю, стяжа себѣ драхму первую, и другую, и третію и прочія, но ни о единой сице радуется; егда же обрѣте уже десятую, тогда созываетъ другини и сосѣды сорадоватися ей. Григорій Святый учить, что десятая драхма знаменуетъ десятую Божию заповѣдь; не радовашеся убо жена, обрѣтши первую и вторую и третію драхму, но возрадовася о десятѣй, показуя, яко не имать чесо радоватися чловѣкъ, сохранивъ Господню заповѣдь едину и другую; но тогда по истинѣ <sup>2)</sup> возрадуется, егда и десятую совершитъ, аще повелѣнія Господня дѣломъ исполнитъ: *тогда, рече, <sup>3)</sup> не постыждуся, егда призрю на вся заповѣди Твоя* (Пс. 118, 6). За преступленіе же и малыа заповѣди казнить Богъ не точію злаго, но и добраго, — не въ будущемъ ли <sup>4)</sup>, то въ нынѣшнемъ вѣцѣ; яко же бо у Него и мала добродѣтель безъ воздаянія, тако и малое прегрѣшеніе безъ казни не бываетъ <sup>4)</sup>. Праведенъ Судія и комуждо воздастъ по дѣломъ его.

## Бесѣда XI. <sup>5)</sup>

*Ты впримѣ Спасительница Богородице  
и слѣпымъ Наставница и падающимъ ис-  
правление.*

Дамаскинъ въ Октоихѣ, гл. 1-й, на повечеріи пѣс. 8-я.

Всякъ хотяй злое свое исправити житіе, зоветъ съ Давидомъ: *о дабы исправилися быша путіе мои, сохранити оправданія Твоя* (Пс.

<sup>1)</sup> И что это значить, что...

<sup>2)</sup> Давидъ.

<sup>3)</sup> Если не въ будущемъ...

<sup>4)</sup> Св. Димитрій, въ подтвержденіе сей истины приводитъ повѣствованіе Св. Аванасія объ одномъ старцѣ, который, за малое нѣкое прегрѣшеніе былъ умерщвленъ гѣною, тогда какъ богачъ, всю жизнь въ безопасности и роскоши иждившій, былъ удостоенъ почетнаго погребенія за нѣкое малое доброе дѣло,—о чемъ и было открыто чрезъ Ангела скорбящему и смущенному симъ ученику онаго старца.

<sup>5)</sup> Положена послѣ описанія чудеснаго исцѣленія бѣсноватаго Клина, который былъ привязанъ къ столпу въ пещерѣ Преподобнаго Антонія, что въ Черниговѣ.

118, 5)! — Но кто я исправить? *Отъ Господа стопы чловѣку исправятся* (Пс. 36, 23), безъ Него же не можемъ творити ни чегоже (Іоан. 15, 5). Убо да исправить Господь стопы наша, помолѣмъ Богородицу ходатайствовати о насъ, Та бо молитвами Своими многимъ отъ Бога испрошуетъ исправленіе. О благоразумнѣмъ разбойницѣмъ различнѣмъ различнѣмъ гадательствуютъ, чимъ спасеся? Ини глаголють: вѣрою, яко же выше, во нравоченіи третьемъ рекохомъ; <sup>1)</sup> друзіи глаголють: покаяніемъ, яко Дамаскинъ пишетъ: *разбойниче покаяніе рай отверзе*; <sup>2)</sup> иніи спасенія его вину сокрушенному въ молитвѣмъ сердцу приписуютъ, — что совершеннымъ о грѣсѣхъ жалемъ <sup>3)</sup> помолвися, рекъ: *помяни мя, Господи* (Лук. 23, 42), *сердца*, рече, *сокрушенна и смиренна Богъ не уничижитъ* (Пс. 50, 19). Ини исповѣданіе его глаголють быти виновно спасенію, — что исповѣдашеся, глаголя: *мы убо праведно по дѣломъ нашимъ воспріемлева* (Лук. 23, 41), — и за се исповѣданіе спасеся: *исповѣмъ*, рече, *на мя беззаконія моя Господеву, и Ты отпустилъ еси нечестіе сердца моего* (Пс. 31, 5). Обаче азъ вопрошаю: откуда пріиде сему разбойнику сице скорое исправленіе, яко и вѣрова, и покаяся, и сердцемъ сокрушеннымъ помолися, и исповѣдася? Почто сего исправленія не бѣ въ немъ, егда на смерть судяшеся, <sup>4)</sup> егда во слѣдъ Хріста на распятіе ведяшеся, егда на крестъ привязовашеся, но егда со крестомъ отъ земли вознесенъ, ста по единой странѣ Креста Хрістова? — Обрѣтаю у нѣкихъ мудрецовъ глаголющихъ, что между Крестомъ Хрістовымъ, и крестомъ разбойническимъ стояше въ то время Мати Іисусова Пресвятая Дѣва Марія. Се, имаша вину внезапнаго преложенія и исправленія разбойнича, Матерь Господню! Та то, <sup>5)</sup> стоящи между Господемъ и грѣшникомъ, тайно исходатаи у Господа дѣйственную грѣшникови ко исправленію благодать! Егда стояше Мати

<sup>1)</sup> См. выше стр. 10.

<sup>2)</sup> Упакон 1-го гласа.

<sup>3)</sup> Сожалвніемъ, сокрушеніемъ.

<sup>4)</sup> Осуждашеся.

<sup>5)</sup> Сія-го.

при Крестѣ, тогда ко Христу обратися разбойникъ, иже не обращаешя прежде, дондеже не ста между ними Марія! И что дивно, яко Ею исправляются человѣци въ новой благодати, егда во ветсѣмъ завѣтѣ, еще сѣвнiю и прописанiемъ Ея тожде бяше? — Развращающагося Израиля хотя Богъ исправить, даде законъ на скрижалехъ. Почто убо не на хартии, или на кожахъ, но на скрижалехъ изволи Богъ написати Своя велѣнiя? Того ради, яко да пропишетъ Дѣву Марію, и покажетъ, что Ею хочеть спасти и исправить міра, яко же поется въ догматѣ <sup>1)</sup>: *и спасе Богородицею міръ Христосъ имъяй велию милость.* <sup>2)</sup> Скрижали бо прознаменоваша Матерь Божию, на Ней же Самъ Законодавецъ написатися [изволи]; сице [бо] Ю именуеть Церковь: *закона новаго Ковчегъ нарицаемъ Тя и Богоначертанную Скрижаль, въ Ней же Слово написася Божіе.* <sup>3)</sup> Такожде и Святый Ефремъ Ея нарицаеть: «Скрижаль, вписанный законъ человѣкомъ Приносящая». И Сія - то Новая Скрижаль Израилеви исправленіе во ветсѣхъ приношаше скрижалехъ сѣновнѣ, нынѣ же во благодати новой самою вещью исправляеть падшихъ, егда отъ страстiй свободждаетъ, отъ заблужденiя отвращаетъ, отъ грѣховъ молитвами очищаетъ, отъ бѣдъ избавляетъ, отъ бѣсовскихъ навѣтовъ защищаетъ, и тѣхъ, иже бяху отчаяли <sup>4)</sup> своего спасенiя, на стезю спасенную наставляеть и благонадежными творить. Что <sup>5)</sup> исповѣдуетъ Дамаскинъ Святый: *Рождши Бога и Спаса всяческихъ Маріе, бысть Ты отчаяннымъ исправленіе, грѣшникомъ обновленіе и ненадежнымъ Надежда.*



1) Въ догматикѣ.

2) Гласа 4-го догматикѣ по древнему чтенію.

3) Минея мѣсяцъ Іуній, 20 дня, пѣснь 9-я.

4) Отчаялись въ...

5) И сіе то.

## Нравоученіе XI.

Исправити Господь челоуѣка хотя, многія на него наводитъ казни. Между инѣми не меньшая казнь, егда кому попуститъ мученну быти отъ діавола, яко реченному Климу. Се же вѣдати требѣ, что діаволь надъ челоуѣкомъ не имать власти ни единая, дондеже не дано ему будетъ свыше. Егда ему повелитъ Богъ, тогда онъ приѣмлетъ власть и мучитъ. О Іовѣ пишется, что отъ Господа преданъ діаволу страждаше: *рече Господь діаволу: се, предаю ти его, токмо душу его соблюди* (Іов. 2, 6). Предаетъ же Господь челоуѣка на сицвое мученіе двоихъ ради винъ: или искушающе, яко же онаго Іова Праведнаго, да большій вѣнецъ за терпѣніе приѣмлетъ, или за грѣхи казняще и ко исправленію приводяще. Тако казненъ быше той, его же Апостоль поминаетъ: *предати таковаго сатанъ во изможденіе плоти, да духъ спасется* (1 Кор. 5, 5). Кто бо на тѣлѣ казненъ бываетъ, сей на души поправу <sup>1)</sup> и здравіе приѣмлетъ. Искусь сего имѣяше <sup>2)</sup> Павелъ, глаголяй: *егда немоществую, тогда силенъ есмь* (2 Кор. 12, 10); и того ради у Святаго Іоанна Лѣствичника описанніи темничники моляху Бога, да попуститъ діаволу мучити ихъ тѣлеса: овы убо бѣсны быти моляхуса, хотяще симъ плоти своея мученіемъ приити во исправленіе и спасеніе души своея. <sup>3)</sup> *Господи! наказаніе Твое—то мя научитъ* (Пс. 17; 36)! *Точію не яростию Твоею обличи мене, ни гнѣвомъ Твоимъ накажи мене* (Пс. 6, 2)!



---

<sup>1)</sup> Исправленіе.

<sup>2)</sup> Сіе на опытѣ позналъ.

<sup>3)</sup> Лѣствица, сл. 5-е, о покаяніи, гл. 25.

## Бесѣда XII. <sup>1)</sup>

*Радуйся, Ею же врази ниспадають!  
Акав. Богоматери, Икосъ 12-й.*

Ратусть ны врагъ всѣми силами своими, подвиже вся легионы, обыде насъ всѣми коварствы, яко жалѣтися намъ: *обыде насъ послѣдняя бездна,* <sup>2)</sup> *обыдоша насъ пси мнози, сонмъ лукавыхъ одержаше насъ* (Пс. 21, 17), и что сотворимъ? Сами одолѣти имъ не возможемъ: требѣ Господа во помощь. Во подобной брани нѣкто Симъ <sup>3)</sup> побѣдилъ [яко же и] глаголетъ: *аще не Господь былъ бы въ насъ, ни единъ же противу* <sup>4)</sup> *насъ возмогъ бы вражіей брани одолѣти* <sup>5)</sup>! Но мы Господа прогнѣвахомъ зѣло, и откуда помощь стяжемъ? Сотворимъ совѣтъ, соберѣмъ полкъ молитвенниковъ, иже возмогутъ и Господа о насъ умолити, и полки вражія ратовати! Призовѣмъ Ангелы, соберемъ Пророки и Апостолы, употребѣмъ мучениковъ, Дѣвственниковъ, совокупѣмъ Преподобныя, Праведныя и вся Святыя, да тыя ополчатся окрестъ насъ!—Обаче симъ всѣмъ воемъ требѣ Воеводы: кто бо гдѣ видѣ полкъ безъ вожда ратующъ? Ни сему воинству прислушаетъ <sup>6)</sup> безъ начальствующаго быти. Но кто посредѣ таковыхъ воинскихъ соборовъ достоинъ быти вождемъ? Ни кто же инъ, тоцію Пресвятая Дѣва Марія. Сію умолѣмъ, да по средѣ полка молитвенниковъ нашихъ изволитъ Воеводою быти! Та бо достойна начальствовати всѣми, Ангеловъ Вышняя, Пророковъ Честивѣйшая, Апостоловъ Большая, Мучениковъ [и] Дѣвст-

<sup>1)</sup> Положена послѣ описанія чудеснаго исцѣленія предъ чудотворною иконою Богоматери, что въ Ильинскомъ Черниговскомъ монастырѣ, нѣкоего Пархома отъ бѣснованія.

<sup>2)</sup> Дамаскинъ въ Октоихѣ Недѣля гл. 1-го, пѣснь 6, ирмосъ.

<sup>3)</sup> Господомъ.

<sup>4)</sup> Отъ...

<sup>5)</sup> Дамаскинъ въ Октоихѣ гл. 6-й, антифонъ 2-й.

<sup>6)</sup> Прилично.

венниковъ Достойнѣйшая, Преподобныхъ [и] Праведныхъ и всѣхъ Святыхъ Святѣйшая. Та убо да предъидеть во полцѣ, и падуть вси врази наши подъ ногама! Во Ветсѣмъ Завѣтѣ на бранехъ ношашесе предъ полкомъ Ковчегъ Завѣта Господня, и падаху супостаты побѣжденніи; сице пишется въ Числахъ: *Ковчегъ Завѣта Божія предъ идяше предъ ними; и бысть, егда воздвизаху Ковчегъ, рече Моисей: востани, Господи! Да разсыплются врази Твои, и вси ненавидящїи Тебѣ да побѣдуютъ отъ Лица Твоего* (Числ. 10, 33. 34)! Мы имамы Ковчегъ — Пресвятую Дѣву, Ей же чтемъ: *радуйся, Ковчеже, Позлащенный Духомъ!* <sup>1)</sup> Сїю предпускаяще, побѣжденныхъ узримъ нашихъ супостатовъ, Тою бо *воздвигутся побѣды.* <sup>2)</sup> Та и Бога намъ милостива сотворить, и сопротивъ гонящихъ насъ станетъ, — точію теплѣ воззовемъ къ Ней: *О Пресвѣтлѣй Облаче, Мати Божія! насъ побѣждающихъ побѣди.* <sup>3)</sup>

## Нравоученіе XII.

Горе нерадѣнію нашему! Мы лѣнны, врагъ же нашъ бодръ есть, промышляя о поглощенїи нашемъ; мы ямы и пїемъ, а врагъ зубы своими на ны скрежещетъ; мы празднословимъ, а врагъ на ны шлететь своя сѣти. Вопїеть Апостоль: *трезвитесь, бодрствуйте, зане супостатъ вашъ діаволъ яко левъ рыкая ходитъ, искїи кого поглотити* (1 Петр. 5, 8)! Трезвитися и бодрствовать требъ, да не діаволомъ поглощены будемъ: аще лѣнны есмы, то уже поглотилъ есть насъ врагъ; аще же трезвимся бодрствующе, то ратуетъ ны, поглотити хотя, но не можетъ, Богу намъ помогающе. Нѣкто отъ отецъ пустынныхъ бодръ вѣста на молитву въ полунощи, и се, слышитъ гласъ трубы, аки ко брани. [И] рече въ себѣ: «откуда во пустыни воя и брань?» Явился же ему бѣсъ и рече: «ей, брань, яко на молитвѣ стоиши, ляжи

<sup>1)</sup> Акакистъ Богоматери, икосъ 12-й.

<sup>2)</sup> Тамъ же.

<sup>3)</sup> Параклисъ Пресвятыя Богородицы.

и спи, хоче ли, <sup>1)</sup> да не боремся съ тобою. Мы бо съ тѣми боремся. иже вооружаются на ны доброю молитвою; со лѣнливими же не боремся.» Слыши, что глаголетъ злокозненная сила: «со лѣнливими, рече, не боремся»; — почто? уже бо лѣнливый побѣжденъ падесе, и лежитъ врагомъ помираемъ. Трезвимся убо, и бодрствуемъ!

### Бесѣда XIII <sup>2)</sup>.

*Око бѣхъ слѣпымъ [глаголетъ Іовъ]. Іов. 29, 15.*

Не тако Іовъ, яко же Марія есть слѣпымъ око: не точию бо ослѣпленныхъ телѣсными очима, но и душевнѣ слѣпотствующихъ руководствуетъ. Внимай истиннѣ: Духъ Святый во Пѣснехъ утреннею звѣздою нарицаеть Ю, глаголя: *кто Сія Восходящая яко утро* (Пѣсн. Пѣсн. 6, 9)? И почто Пречистую Дѣву Утромъ именована? Того ради, да покажетъ, яко Она есть слѣпымъ прозрѣніе, тьмы отгнаніе, ноци просвѣщеніе. Ноць бо темную, иже всѣхъ аки ослѣпляетъ, заключаая очи сномъ глубокимъ — человекомъ и скотомъ, звѣремъ же и птицамъ, — кто отгонитъ и просвѣщаетъ? Звѣзда утренняя. Сія, возсіявши, день приводитъ, отъ сна будитъ, всякому очи отверзаеть, да *изыдетъ на дѣло свое и на дѣланіе свое до вечера* (Пс. 103, 23). Ноць мысленную, глаголю — незнаніе Бога, еже ослѣпило бяше едва не всего міра — кто отгна и день познанія возсія? Пречистая Дѣва, Ей же чтеть Церковь: *радуйся Заре Тайнаго Дне!* <sup>3)</sup> И паки: *Тобою Сына Божія познахомъ.* <sup>4)</sup> Вѣсть Та невѣжи къ познанію истинны наставляти: Та Святаго Григорія Нисскаго научи православію; егда бо начася ересь

<sup>1)</sup> Аще хочещи.

<sup>2)</sup> Положена послѣ описанія чудснаго исцѣленія отъ слѣпоты дѣвицы Маріи, дочери Леонтія Полуботки, предъ Чудотворною Иконою Богоматери, что въ Ильинскомъ монастырѣ.

<sup>3)</sup> Икосъ 5-й Акаѣиста Пресвятѣй Богородицѣ.

<sup>4)</sup> Молитва 2-я по Акаѣистѣ ко Пресвятѣй Богородицѣ. См. Акаѣист. Кіев. изд.

Самосатенова, <sup>1)</sup> бывшу Святому Григорію въ недоумѣніи, и молящуся Пресвятѣй Богородицѣ, Та явился ему, научи и утверди его во истиннѣй, Православной Каѳолическѣй вѣрѣ. Вождаше иногда звѣзда восточная волхвы ко Христу Родившуся во Вифлеемѣ: *видяхомъ*, рече, *звѣзду Ею на востоцъ и приидохомъ поклонитися Ему* (Мѣ. 2, 2). Почто не Ангелъ, ни ина кая тварь ихъ вождаше; но звѣзда? Еще же восточная [а] не западная?—Мню, яко се бѣше Госпожи моея прописаніе, Яже воистинну есть звѣздою <sup>2)</sup> лучезарною, — восточною же, яко не вѣсть запада, всегда живеть во свѣтѣ не приступнѣмъ: *Утро свѣтлейшее, радуйся Едина!* <sup>3)</sup> Сія звѣзда ведеть ны ко Христу, егда отъ скверныхъ изимаетъ дѣль, егда пламене страстей измѣняетъ, егда цѣломудрію учить и на спасенную наставляеть стезю. Сею звѣздою учимся кланятися Солнцу Праведному, еже исповѣдуетъ Церковь, глаголя: *Радуйся, Ею же покланяемся Творцу!* <sup>4)</sup> Тако ны просвѣщаетъ, тако очи душевныя къ познанію Бога отверзаетъ, тако тьму мрачную отгоняетъ! *Радуйся, тьму Разрушившая и мрачныя бѣсы отнюдѣ Отгнавшая!* <sup>5)</sup> О ней-то, чаю <sup>6)</sup>, глаголетъ Слово Божіе у Исаи Пророка: *дахъ Тя во свѣтъ странамъ отверзти очи слѣпымъ и извести изъ дому темницы съдѣція во тьмѣ* (Ис. 42, 6). О Пречистая Дѣво! *Свѣта Твоего зарями просвѣти мя, мракъ невѣдѣнія стгоняющи!* <sup>7)</sup>

<sup>1)</sup> Павла Самосатскаго.

<sup>2)</sup> Есть звѣзда.

<sup>3)</sup> Акаѳиста Пресвятѣй Дѣвѣ, канонъ, пѣснь 3-я.

<sup>4)</sup> Акаѳистъ, Игось 1-й.

<sup>5)</sup> Акаѳистъ, канонъ, пѣснь 3-я.

<sup>6)</sup> Думаю.

<sup>7)</sup> Канонъ молебный Богоматери, пѣснь 9-я.

### Нравоученіе XIII.

Рѣша иногда Фарисее: *еда и мы слѣпы есмы? Рече же имъ Исусъ: аще бысте слѣпы были, грѣха не бысте имѣли, нынѣ же глаголете, яко видимъ, — и грѣхъ вашъ пребываетъ* (Іоан. 9, 40. 41). Нѣсть окаяннѣйшей слѣпоты сея — очи имѣти и не видѣти! Вѣдати, что есть воля Божія благая и угодная и совершенная (Рим. 12, 2) и не творити ю! Аще бо и всякому грѣшнику раны многи (Пс. 31, 10), обаче большія вѣдущему и не творящему: *рабъ, влѣдъвый волю господина своего, и не уготовавый, ниже сотворивый по воли его, біенъ будетъ много* (Лук. 12, 47). Видимъ, — и — слѣпы есмы, въ разумѣ бо волею согрѣшаемъ, а грѣхъ слѣпота есть душѣ [яко же] глаголетъ Софонія Пророкъ: *пойдутъ, яко же слѣпыи, заже Господеви согрѣшиша*. (Соф. 1, 17). Объятъ древле тьма велика Египеть дни три, яко ни кто же воста отъ одра своего, и ни кто же брата своего видѣти можаше (Исх. 10, 23). Непокаяннаго грѣшника аки въ три дни, въ три времена слѣпота и потемнѣніе души объемлетъ: во время временнаго житія его, егда не мощи ему зрѣти свѣта заповѣдій Господнихъ отъ умножившихся беззаконій: *постигоша мя, рече, беззаконія и не возмогахъ зрѣти* (Пс. 39, 13); во время смерти, егда темніи души его обыдутъ и не обрѣсти ему помощи, яко сбыватися глаголу псаломному: *смерть грѣшникомъ люта* (Пс. 33, 22); — и во время вѣчности безконечныя, идѣ же даже до вѣка не узритъ свѣта Хрїстова: *нечестивіи не узрятъ славы Твоея, Хрїсте Боже!* <sup>1)</sup> Отверзи убо нынѣ очи своя, о грѣшниче, да познаеши окаянное устроеніе твое, и не претыкайся отъ единаго грѣха въ другій, яко же слѣпецъ! <sup>2)</sup> *Заповѣдь Господня свѣтла, просвѣщающая очи* (Пс. 18, 9): сію соблюди и прозриши Богу, Его же моли, глаголя: *посли свѣтъ Твой и истину Твою: та мя наставитъ и введетъ въ гору святую Твою, въ жилища Твоя* (Пс. 42, 3)!

<sup>1)</sup> Октоихъ, гл. 4-й, ирмосъ 5-й пѣсни. Исаи 26, 10.

<sup>2)</sup> Діонтра, часть 2, гл. 17.

## Бесѣда XIV <sup>1)</sup>.

*Тобою дастся радость, Богородице, во-  
пьющимъ Ти: Благословенна Ты въ женахъ,  
Пренепорочная Владычице!*

Часы на Пасху (по старинному чтенію).

Въ мірѣ семъ отвержесе утѣшиться душа моя, понеже всяка радость міра сего печаль есть: нѣсть здѣ радости, яже не растворяется печалію, нѣсть утѣхи, яже не сопрягается со скорбію, нѣсть веселія, ему же не вслѣдствуетъ сѣтованіе, нѣсть смѣха, по немъ же не грядетъ плачь съ воздыханіемъ. Гдѣ убо истинныя, непремѣнныя и неотъемлемыя въздуху радости? Глаголють, яко въ Раи нѣсть болѣзни, ни печали, ни въздыханія: всегда *гласъ радости и спасенія въ селѣхъ* <sup>2)</sup> *праведныхъ* (Пс. 117, 15). Но азъ, нечистъ и скверенъ, како тамо вселюся, идѣ же *не имать внити всяко скверно* (Ап. 21, 27)? Идѣ же подобніи мнѣ грѣшницы изгонятся со студомъ: *внѣ пси, и чародѣе, и любодѣе, и убійцы, и идолослужителіе, и всякъ творяй и любяй лжу* (Ап. 22, 15)!— [Аще же тако есть], то камо пойду грѣшный, да утѣшеніе скорбной душѣ моей обрящу? Пойду ко Пресвятѣй Богородицѣ: Та есть Раемъ <sup>3)</sup> словеснымъ, всякою утѣхою и радостію изобилующимъ, къ нему же не точию Святымъ, но и грѣшнымъ свободный приходъ и невозбранный. Въ семъ Раи, глаголю, въ Маріи, обрящу утѣху, егда точию вѣрою возопію къ Ней съ поющими: *подаждь утѣшеніе своимъ рабомъ, Всенепорочная, утѣляющи люта я на ны востанія, отъ всякія скорби*

---

<sup>1)</sup> Помѣщена послѣ описанія чудеснаго исцѣленія ока шестилѣтней дочери бургомистра Черниговскаго Павла Клевца, предъ Чудотворною иконою Богоматери, что въ Ильинскомъ Черниговскомъ монастырѣ.

<sup>2)</sup> Въ селеніихъ.

<sup>3)</sup> Рай...

*насъ измѣняющи!* <sup>1)</sup> Рай утѣшаетъ тѣхъ точію, иже отъ удоія плачевнаго на радостную жизнь преидоша: Марія же и въ удои плачевномъ сущихъ (Пс. 83, 8), и плачущихъ бѣды своея <sup>2)</sup> утѣшаетъ. *О Раю Краснѣйшій! утѣшенія Твоя да возвеселятъ душу мою!* <sup>3)</sup>

## Правоученіе XIV.

*Иже Тя любитъ, о Мати Благая! Сему готово мѣсто средѣ Рая.*

Вси въ рай внити хотимъ, но грѣси намъ возбраняють. И что сотворимъ? — Мой совѣтъ прибѣгнути къ Пресвятой Дѣвѣ Богородицѣ: Та есть Дверь райская, всѣмъ входъ отверзающая; тако [бо] ей чтеть Церковь: *Радуйся, райскихъ дверей отверженіе!* <sup>1)</sup> Ни бо мощно инако внити кому въ Рай, аще не Богородицею. Слышите, что о Ней глаголетъ Блаженный Германъ, Патріархъ Цареградскій: «никтоже позна Бога, точію Тобою, о Пречистая! никто же приѣмлетъ спасеніе, токмо Тобою, о Богородице! никто же избываетъ коея бѣды, токмо Тобою о Богомати!» И Григорій Никомидійскій подобнѣ глаголетъ: «Тобою рай воистинну прияхомъ; Тобою рода людскаго изгнаніе къ своему возвратися отечеству; Тобою отъяты пламенное оружіе, стрегущее вратъ Едемскихъ; Тобою врата веселія и радости затворенныя отверзошася; Тобою надѣмся внити въ Небесное Царство; Ты спасенія нашего имамы Помощницу!» Убо держѣмся не отступнѣ сихъ вратъ Райскихъ—Пречистой Дѣвы, и внидемъ Ею въ самый Рай, избывши всякая печали и болѣзни!...

<sup>1)</sup> Богородичень на маломъ освященіи воды, гл. 4-й

<sup>2)</sup> Олакивающихъ бѣду свою.

<sup>3)</sup> Служба въ недѣлю сыропустную.

<sup>4)</sup> Акаѣиеть Пресвятой Богородицѣ, икосъ 4-й.

## Бесѣда XV<sup>1)</sup>.

*Еди́на болящимъ пощещіе, Еди́на па́дшимъ исправленіе, Влади́чице, Еди́на къ Бо́гу Руководница и входъ.*

Октоихъ, гл. 1-й въ понед. на повеч. Пѣснь 9-я.

Бо́лѣзни наша тѣлесныя и душевныя кто изочететь? Уврачевати же ихъ кто можетъ? *Одержаша насъ болѣзни смертныя, и потоцы беззаконія смятоша насъ* (Пс. 17, 5),—*ѣихъ*<sup>2)</sup> бо́лѣзней ни оны премудріи врачевы: Асклипій, Иннократъ и Галенъ уврачевати можаху. И отъ кого цѣльбы поищемъ? — Всяко речете: отъ Бога. Но *не имамы дерзновенія къ Нему за премноія грѣхи наша.*<sup>3)</sup> То<sup>4)</sup> отъ Матере Его Препоблагословенныя: много бо можетъ молитва Матерняя. И добръ: ибо Та дадеся Цѣлебница всему міру. Природный есть въ людехъ обычай, егда приѣмлетъ кто язву на тѣлѣ,—такожде, егда взболитъ глава или стомахъ, тамо скоро прилагаетъ руку; аки пѣкую бо́лѣзни приѣмляй отраду; отгуду и приповѣдуются: «гдѣ болить, тамъ рука». Не невѣмы, яко Ручкою Врачебница наша проименовася: *радуйся, Ручко ~~златая!~~*<sup>5)</sup> Къ Ней же и вопіеть Дамаскинъ: *лютыми напастыми томимъ, отъ враговъ стужаемъ, окаланный, плачемъ прилашаю: свышше мнѣ прости, Препобогатая, руку Твою!*<sup>6)</sup> Убо егда насъ объѣмлють лютыя недуги и бо́лѣзненныя страсти, сію Ручку, глаголю—Пресвятую Дѣву

<sup>1)</sup> Помѣщена послѣ описанія чудеснаго исцѣленія предъ Чудотворною иконою Богоматери, что въ Ильинской обители пѣкоей жены, именемъ Анны отъ бо́лѣзни *гостецъ*, погороду страдала два года. *Гостецъ* или *гостекъ*—лихорадка. См. Словарь В. Даля.

<sup>2)</sup> Каковыхъ...

<sup>3)</sup> Богородиченъ на 6 часть.

<sup>4)</sup> А если такъ, то поищемъ цѣльбы у...

<sup>5)</sup> Или *стамна*, т. е. сосудъ, въ которомъ хранилась манна. Святитель здѣсь держится буквального значенія слова *Ручка*.

<sup>6)</sup> Октоихъ гл. 1-й, въ субб. на повеч. канонъ Пѣснь 1-я.

прилаганъ, паче же сами къ Ней прилаганъ, вручаючи Ей въ Всесильніи рудѣ душу и тѣло наше. Рѣша древле Египтяне ко Іосифу (по Іеронимову преводу): здравіе наше въ руку твою, точию да призрѣти на ны господинъ нашъ (Быт, 47, 25). О Цѣлебнице Благосердая! востинну въ Твою руку наше здравіе! Ты — тѣла нашего врачеваніе, Ты души нашея спасеніе; Ты немощію низлежащихъ исцѣляеши: къ Твоему врачеству притекаемъ: точию призри на ны милостивнымъ си окомъ! *Отъ горняго возшествія нашу назираи худость! 1).*

### Нравоученіе XV.

Всякъ врачъ, хотяи тѣлесную кую болѣзнь уврачевати, вина ея взыскуеть: отъ брашна ли, или питія, или отъ инаго коего случая прииде. Но Учители церковніи глаголють, яко всякія болѣзни виновенъ есть грѣхъ. Тако Святый Макарій Египетскій глаголетъ: «разслабленъ ли кто, или на коей части тѣла калѣка, или феброю <sup>2)</sup> и кою либо немощію страждетъ: вся сія отъ грѣха походятъ, онъ бо всего зла есть коренемъ». <sup>3)</sup> Святый же Каллистъ: «отъ начала міра грѣха ради немощь възыде въ Каиново тѣло: по братоубійствѣ разслабленъ бысть, и хождаше въздыхая и трясыйся на землѣ». <sup>4)</sup> И Іеронимъ Святый: «елико грѣховъ, толико болѣзней имама» <sup>5)</sup>. Хотемъ ли убо тѣлесныхъ болѣзней избыти? Первѣе вину ихъ, си есть грѣхъ, уврачуймо покаяніемъ. Ибо и Христосъ Господь, Добрый Врачъ, хотя уврачевати разслабленнаго тѣломъ, первѣе, разслабу души его, си есть грѣхи, цѣлитъ глаголя: чадо! *отпускаются грѣси твои*, — и потомъ [уже]: *востани, возми одръ твой, и иди въ домъ твой* (Мѡ. 9, 2. 6)!

<sup>1)</sup> Акаѳистъ Успенія Богоматери, глѣнь 8-я.

<sup>2)</sup> Лихорадкою.

<sup>3)</sup> Бесѣда 4-я Препод. Макарія Египетскаго.

<sup>4)</sup> Бесѣда въ недѣлю 6 и по Св. Духъ.

<sup>5)</sup> Толков. Блаж. Іеронима на ис. 16.

## Бесѣда XVI <sup>1)</sup>.

*На Мя упова и избавлю и, покрю его,  
яко позна Имя Моє.*

Пс. 90, 14.

Кромѣ <sup>2)</sup> Богородичина покрова и заступленія, кто доволенъ цѣль сохраненъ быти отъ врага, купно же и челоуькоубійцы? <sup>3)</sup> Гоняше древле Фараонъ Израиля, и аще не бы Господь простерлъ облакъ въ покровъ Израилеви, убо жива пожерлъ бы его: *столъ облачный ста создаи по средь полка Египетска и посредь полка сыновъ Израилевыхъ* (Исх. 14, 20). Гонять и насъ врази наши видимыи и невидимыи, аще не бы намъ Вышній подалъ въ защищеніе Матерь Свою Дѣву Богородицу, то уже бы давно погибли быхомъ за беззаконія наша: но Та крываетъ ны яко же кокошь птенцы своя, есть бо покровомъ міру ширшимъ облака <sup>4)</sup> Бѣжашу Илии отъ гнѣва Езавелина, бысть *малолъ Господень ко Илии: иди отсюду на востокъ и скрыйся въ потоць Хорава прямо лицу Иорданову* (3 Цар. 17, 3). Почто не иное мѣсто ему показуется къ сокровенію отъ Езавели, но лице Иорданово? Иорданъ, по свидѣтельству Іеронимову прознаменоваше Дѣву Марію: яко же бо сквозѣ Иордана, Кіотъ Божій преиде по суху: тако утробу Дѣвическу пройде Слово Отчее Единородное безъ ислѣвнїа; — и се тайна почто Пророкъ прямо лицу Иорданову укрыется отъ гонящей его враждебницы: яко сѣновное прописаніе Маріино въ Иордани бяше. И нынѣ егда кто гонимый врагомъ сокрыется прямо Лицу Мысленнаго сего Иор-

<sup>1)</sup> Положена послѣ описанія чудеснаго исцѣвленія бѣсноватаго Стефана предъ чудотворною иконою Богоматери, что въ Ильинскомъ монастырѣ.

<sup>2)</sup> Безъ.....

<sup>3)</sup> Антифонъ 6-го гласа.

<sup>4)</sup> Акаѣистъ, икосъ 6-й.

дана, глаголю, Пречистыя Дѣвы, не мощно будетъ коему злу постигнути его, сматряющу нань Лицу Маріину.

О коль блаженъ крыяйся всегда подъ кровомъ Твоимъ, Заступнице! Не придетъ бо къ нему зло и рана не приблизится тѣлеси его (Пс. 90, 10)!

### Нравоученіе XVI.

Слава Богу, и по Бозѣ Богородицѣ, Избавляющей человѣкъ отъ мучительства бѣсовскаго. Но блюдися, человѣче, да не будутъ послѣднія горша первыхъ: возвращается діаволь, поемля съ собою *седмь иньхъ духовъ, лютѣишихъ себе* (Мѣ. 12, 45): се есть, седмь грѣховъ смертныхъ: духа гордости, духа сребролюбія, духа нечистоты, духа зависти, духа чревобѣсія, духа гнѣва, духа лѣности, — яже человѣка не покаянна лютѣ бѣса умучать, не временнѣ, но вѣчнѣ: ввергнуть его сии дуси во огонь негасимый и червь неусыпающій. Убо да не внидутъ въ тя сии, буди мѣсто безводно, идѣже бы не обрѣлъ вмѣстилища себѣ лютый духъ, *проходитъ* бо онъ *сквози безводная мѣста ища покоя, и не обрѣтаетъ* (Мѣ. 12, 43). И что есть безводно? Святый Григорій разумѣетъ сердца праведныхъ, иже умерщвленіемъ плоти страсти плотскія иссушаютъ. <sup>1)</sup> Не обрѣтаетъ же въ нихъ діаволь покоя, праздно бо суть злыхъ дѣлъ, яже блатомъ именовашеся у Святаго Аѳанасія и Теодорита, пишущихъ на сія псалмисты <sup>2)</sup> слова: *углубошъ въ тмѣни и глубины*: (Пс. 68, 3) сии есть, въ дѣлахъ злыхъ, яко же бо свинія въ калѣ тинномъ валятися хоцетъ, тако діаволь блата грѣховъ нашихъ желаетъ. Но, да не обряцетъ проклятый въ насъ мѣста, иссушити требѣ грѣховное блато умерщвленіемъ, паче же страхомъ и любовію Божіею противитижеся ему имамы, да бѣжитъ отъ насъ. Како же противитися—послушаймъ Златоустаго: «како поратумся со тьмою [глаголетъ онъ]?—Свѣтъ бывше. Како же съ духи злобы? Блази бывше. Благому бо противитися злоба и свѣтъ отгоняетъ тьму.»

<sup>1)</sup> Григорія, сл. 11-е Нравств. гл. 3.

<sup>2)</sup> Псаломскія.

## Бесѣда XVII <sup>1)</sup>.

*Благодѣянія богатство всѣмъ источи,  
вся бо можеши, яко Сильнаго въ крѣпости  
Христа Рождшая.*

Канонъ Молебный, Пѣснь 3-я.

Кто когда подъ небесемъ обрящетъ Благодателя по Бозѣ лучшаго паче Владычицы нашей? Благаго Царя Благая Мати не престаесть благодѣя роду человѣческому. И не всуе Церковь Источникомъ Ю приснотекущимъ проименова: яко же бо источникъ непрестанно, не точію тогда, егда приходятъ почерпнати, но и никому же почерплющу <sup>2)</sup> источаесть воды: тако и Дѣва чистая не оскудно благодѣтельствуесть всѣмъ: добрымъ и злымъ, праведнымъ и грѣшнымъ, прибѣгающимъ къ Ней и отвращающимся отъ Нея, яко Іакову жидовину, о немъ же Небо Новое <sup>3)</sup> [повѣствуетъ]: сего въ разбойники впадша, узвѣлена и связана, Дѣва Богородица явившеся отрѣши и исцѣли, аще и не притекаль къ Ней, паче же и отвращашеся отъ Нея.

Помяну здѣ древняго Іакова: сей въ пути спя, видитъ во снѣ лѣствицу отъ земли къ небеси, по ней же Ангели Божіи восхождаху и нисхождаху (Быт. 28, 12). Почто Ангели они ни едино время имуть покой, непрестанно восходятъ и нисходятъ? Лѣствица она бѣше образъ Богородичинъ: сиче [бо] воспѣвается: *радуйся, Мосте къ небесемъ преводяй и Лѣствице высокая, Юже Іаковъ видѣ!* <sup>4)</sup> И того ради не имуть покоя на Ней Ангели, яко Богородица велитъ имъ непрестающе съ Собою благодѣтельствовати намъ: да восходяще, приносятъ къ

---

<sup>1)</sup> Положена послѣ описанія чудеснаго исцѣленія нѣкоего гражданина Черниговскаго, Павла Домонтовича, предъ Чудотворною иконою Богоматери, что въ Ильинскомъ Черниговскомъ монастырѣ.

<sup>2)</sup> Когда и ни кто не почерпаетъ.....

<sup>3)</sup> Книга о чудесахъ Пресвятыя Богородицы, именуемая Новое Небо съ новыми звѣздами.

<sup>4)</sup> Стихира 1-я на Господи воззвахъ... при Акаѳистѣ Пресвятой Дѣвѣ Богородицѣ.

Богу молитвы наша, нисходяще же, да несутъ намъ отъ Бога Божіи милость и дарованія. Исаія, пророчествуя о Дѣвѣ Богородицѣ, Облакомъ Ю нарече: *се Господь сподитъ на Облацъ легцъ* (Ис. 19, 1). И почто сице Ю именована? Внимаи вишѣ: никогда же обрящещи время, въ неже бы не узрѣлъ еси облака на воздухѣ, аще дню, аще ноцію. Очит твоя тебѣ въ свидѣтельство представляю, яже ти покажутъ всегда обрѣтающійся горѣ облакъ, и не всуе: ибо или дождевныя воды въ себѣ носить, или отъ горячности лучъ солнечныхъ осѣняетъ и прохлаждаетъ, или, аще будетъ свѣтель, тоцію воздухъ украшаетъ, и увеселяетъ зрѣніе. Се тайна, почто облакомъ Благодѣтелку <sup>1)</sup> нашу Пророкъ нарече: не престаеъ бо отъ благодѣянія ни малое время, всегда или дождь благодати Божія намъ носить, исцѣляя страсти и врачуя болѣзни душъ и тѣлесъ нашихъ, или отъ горячности праведнаго гнѣва, на ны движимаго осѣняетъ ны, и прохлаждаетъ своимъ заступленіемъ, или, украшая мысль нашу, духовнѣ увеселяетъ сердца. И кто Твоя благодѣянія исчести можетъ, о Всемилостивая!...

## Нравоученіе XVII.

Благодѣяніе всякое требуетъ благодаренія. И намъ, приѣмшимъ неизреченная отъ Божія Матере благодѣянія, достоинъ не неблагодарнымъ быти. *Благодарни бывайте*, рече Апостоль (Кол. 3, 15); кто бо чесога не благодаренъ, сего и недостоинъ. Но что принесемъ или что воздамы Дѣвѣ Богородицѣ о всѣхъ, яже сотвори намъ благая? Злато ли, или сребро, или каменіе честное? То Она, Госпожа наша сихъ благихъ нашихъ не требуетъ, все бо [еже] на земли честно, не достойно есть Ея. Убо самѣхъ себѣ Ей отдадѣмъ—и довольна будетъ. Нась бо, а не яже суть наша, требуетъ, глаголя съ Богомъ въ Писаніи къ коемуждо насъ: *сыне, даждь ми твое сердце* (Притч. 23, 26). Како же себе Ей отдамы? Не инако, но очистившеса отъ всякія скверны плоти

<sup>1)</sup> Благодѣтельницу.

и духа. Ниже бо земніи господіе сквернавѣ даръ пріемлютъ: то колыми Господѣ Пренебеснѣй чистѣ даръ подобаеъ, — а нечистѣ како будетѣ пріятенѣ Ей, Пречистѣй Сущей? Тѣмже, да пріятны Владычицѣ нашей будемѣ, очистившеся отѣ сквернѣ нашихѣ, воздадѣмѣ Ей душу и тѣло, умѣ и сердце, во еже служити Онѣй въ преподобіи и правдѣ во вся дни живота нашего!

### Бесѣда XVIII <sup>1)</sup>).

*Не браньте дѣтемъ приходити ко Мнѣ.*  
(Лук. 18, 16).

*Блюдыте, да не презрите одинаго отѣ малыхѣ сихѣ, рече Господѣ (Мѣ. 18, 10). Не презрѣ Мати Господня малаго сего Θεодора, <sup>2)</sup> но подаде ему скорое здравіе, — кого бо Та Милостивная Присѣтителка <sup>3)</sup> презираеъ? Никого же; но на всѣхѣ благосердымѣ своимѣ окомѣ призираеъ. Призираеъ Она на старыя: *Жезлѣ старости — Мати Бога Вышняго* <sup>4)</sup> — призираеъ на младыя: *радуйся, Добрая Младопитательница двѣамѣ!* <sup>5)</sup> Призираеъ на праведныя: *радуйся, всѣхѣ праведныхѣ Божественное Удобреніе!* <sup>6)</sup> — призираеъ на грѣшныя, грѣшныхѣ молитвы пріемлющи. На весь мѣръ призираеъ: *радуйся всего мѣра очищеніе!* <sup>7)</sup> Не всеу солнечную взя на Ся одежду: яко же бо *солнце сіяетѣ на блаія и злыя* (Мѣ. 5, 45), тако Пресвятая Дѣва, *Облеченная въ солнце* (Апок. 12, 1), не точію добрыхѣ, но и злыхѣ иматѣ на пыльномѣ Своемѣ оку. <sup>8)</sup> Ищущу Ироду убити Рожденнаго въ Виѣ-*

<sup>1)</sup> Положена послѣ описанія чудеснаго исцѣленія отѣ лихорадки пятилѣтняго младенца Θεодора, сына Константія, жителя Черниговскаго. Это чудо совершилось въ 1676 году предѣ Чудотворною Иконою Черниговской Ильинской Божіей Матери.

<sup>2)</sup> Указаніе на исцѣленного младенца.

<sup>3)</sup> Посѣтительница.

<sup>4)</sup> Канонѣ Одигитріи, Господи воззвахѣ.....

<sup>5)</sup> Акаѣистѣ Богоматери, Икосѣ 10-й.

<sup>6)</sup> Тамѣ же, канонѣ, пѣснь 9-я.

<sup>7)</sup> Тамѣ же... икосѣ 3-й.

<sup>8)</sup> Предѣ промыслительнымѣ (или попечительнымѣ) взоромѣ Своемѣ.

леемъ Царя, Мати съ Отрочатемъ бѣжитъ во Египеть (Мѣ. 3)—почто? Не можаше ли укрытися отъ Ирода Покрывавай и Хранай вселенную? Можаше. Но да Дѣва Богородица призритъ на злыя Египтяны, и прирѣніемъ Своимъ исправить я, и добры сотворить, сокрушивши ихъ идолы,—того ради емлется Египетска пути. Нынѣ, о Мати Царя Небснаго.

Вѣмъ, почто съ Сыномъ Си въ Египеть грядеши:

Да вся Египетскія идолы сотреши!

Египтомъ ми есть сердце, а идолы—страсти:

Здѣ прирѣвши, повели идиломъ низпасти!

Солнце, на высотѣ сіяя, и глубочайшія низины <sup>1)</sup> свѣтомъ своимъ просвѣщаетъ, отколь <sup>2)</sup> глаголетъ Давидъ: *нѣсть иже укрется теплоты ео* (Пс. 18, 7). Дѣва Марія, аще и превыше всѣхъ небесъ предстоитъ одесную Бога, обаче и въ нижайшихъ удолахъ сущихъ зрить, и о тѣхъ промышляетъ, и нѣсть, иже не Тоя живетъ промышленіемъ и молитвами. Тако гъ Ней Августинъ Блаженный вѣщаетъ: «Ты Едина еси, иже въ небесѣхъ попеченіе о насъ имаши, и спасеніе намъ строя, отъ бѣдъ избавляеши».

О Всеблагая! не презри и мене грѣшнаго, но призри на мя и помилуй мя!...

## Нравоученіе XVIII.

Аще хожемъ, да Мати Божія съ Сыномъ Своимъ и Богомъ ни когда не отвратитъ отъ насъ свѣтлыхъ и милосердныхъ очесъ Своихъ: будѣмъ всегда малыми дѣтьми, не умомъ же, но злобою, си есть, незлобиви будѣмъ; а незлобивіи прилѣпляются Господеви. Незлобіе же раждается отъ смиренія: смиритъ ли себе кто поистинѣ, сей до конца не-

<sup>1)</sup> Юдоли, долины.

<sup>2)</sup> Посему и...

злотивъ. Какъ тако добродѣтель, яко смиреніе, привлечь на ся милостивныи Господни очи? *На кою призрю*, глаголетъ Господь, *только на смиреннаю* (Ис. 66, 2). И Сама Владычица наша сею добродѣтелию очеса Вышняго на Ся обрати: *призрь*, рече, *на смиреніе Рабы Своея* (Лук. 1, 48). Сею добродѣтелию и мы сотворѣмся малы, да угодни будемъ очесемъ Божиимъ. Вѣдати же требъ, яко три суть совершеннаго смиренія степени: первый—покаратися старѣйшинѣ, не превозносити жеся надъ равныхъ; второй степень—покаратися равнымъ, не превозносится надъ меньшихъ; третій степень — покаратися и меньшимъ себе и вмѣнятися ничтоже быти, яко единому отъ скотъ, недостойну сопребыванія человѣческаго. А иже себе тако умалить, сей велий предъ очима Господа своего будетъ, и узритъ славу Его. Тако [бо] глаголетъ Исаакъ Пресвитерь: «ни вочтоже вмѣни себе самого, и узриши въ тебѣ самомъ славу Божию, идѣже бо раждается смиреніе, тамо слава Божія всіяетъ» <sup>1)</sup>.

## Бесѣда XIX <sup>2)</sup>.

*Та Мати всѣмъ живущимъ.*

Быт. 3. 20.

Приидѣте сѣмо всѣ сироты, иже не имате отца, ни матере, ни друзей: здѣ соберѣтесе! Се вамъ Мати Пречистая и Благословенная Дѣва, много лучша паче родившія вы! Рече иногда Создатель: *еще и Мати забудетъ чадю своею, Азъ тя не забуду* (Ис. 49, 15). О коль велико благоутробіе Божіе! Но и Пречистая Дѣва такожде можетъ рещи: уподобися бо въ благоутробіи Благому Богу. Смотри како ону, вышереченную сироту Татіану <sup>3)</sup> матерски помилова: лютаго мучителя отъ нея от-

<sup>1)</sup> Возсіяваетъ.

<sup>2)</sup> Положена послѣ описанія чудеснаго исцѣленія предъ Чудотворной Ильинской Иконой Богоматери бѣсноватой сироты, которая была родомъ изъ Полтавы, именовъ Татіана; прислана Седневскимъ жителемъ Кирилломъ Давидовымъ.

<sup>3)</sup> Указаніе на исцѣленную.

гна, и здравіе ей подаде. И кто безнадеженъ есть благоутробія Ея, видя Ю, толико милостивую и чадолубивую? Слышасте ли неясить ) растерзающую утробу свою чадъ ради? Се, видѣте <sup>1)</sup> въ Голубицѣ Райстѣй, въ Пречистой Богородици, пощадѣнна ли есть Утроба Ея Возлюбленная, глаголю — Сынъ Сладчайшій? Не растерзанъ ли есть лютѣ страстьми? <sup>2)</sup> *Расхищашу Его вси мимоходящіи путемъ* (Пс. 88, 42). Се насъ ради бысть Сынъ Дѣвическъ уморень, да мы отъ смерти избавимся! И кто здѣ Ту Дѣвицу не наречеть Матерію себѣ, видя Единороднаго Сына Ея растерзанна, да мы усыновленіе получимъ? Дастъ намъ *область* <sup>3)</sup> *чады Божіими быти* (Іоан. 1, 12). Нѣсть ли кто чель орла, <sup>4)</sup> зѣльнѣ прилежаща чадомъ своимъ? *Орелъ покры инъздо свое и на птенца своя возжелъ* <sup>5)</sup> (Второз. 32, 11). Но Матери нашей Преподобнословеннѣй даны быша двѣ крилѣ Орла Великаго: (Апок. 12, 14), то <sup>6)</sup> уповаемъ, яко Она покрыетъ ны кровомъ крилу Своею. Извѣщаемся о покровительствѣ Ея отъ Андрея Святаго юродиваго: сей видѣ Ю въ Влахернстѣй Церкви люди Покрывающую: тако имать о чадѣхъ Своихъ прилѣжное попеченіе. Не забуди убо и мене, аще и неглючимаго, о Мати Всепѣтая!

## Нравоученіе XIX.

Добра намъ есть Мати Пресвятая Богородица: требѣ убо, да и мы не злы сынове Ея будемъ. Не не вѣмы, какова человекъа Господь Матери Своей Преподобнословеннѣй подѣ Крестомъ усыновляетъ на Голгоѣ: *видѣвъ Исусъ Матерь, и Ученика стояща, его же любляше, глагола Матери Своей: Жено, се Сынъ Твой! Потомъ же глагола Уче-*

<sup>1)</sup> Въ подлинникѣ на полѣ объяснено: *пеликанъ*.

<sup>2)</sup> Смотрите.

<sup>3)</sup> Страданіями.

<sup>4)</sup> Въ подлинникѣ читается: *образъ*.

<sup>5)</sup> Кто не читалъ объ орлѣ...?

<sup>6)</sup> Въ подлинникѣ читается: *вождель*.

<sup>7)</sup> А если такъ, то...

нику: *се Мати Твоя* (Іоан. 19, 26—27). Дѣвственника Дѣвѣ, Чистаго Пречистѣй, Любимаго Ученика Любимой Родительницы даетъ за Сына. Трое здѣ, хотяи Сынь Богородичинъ быти, да вземлетъ: чистоту, ученичество, и стояніе подѣ Крестомъ. Ни бо инако достоинъ кто нарецися Сынь Ея, аще не погщится быти чистъ, аще не будетъ Христовъ ученикъ, аще не станеть подѣ Крестомъ. Убо да будемъ любими, либо <sup>1)</sup> и не достойни сынове Матере нашея Премилосердныя, попецѣмся о грѣсехъ нашихъ по силѣ нашей очистити я, [и] отложше всяку скверну цѣломудреннѣ поживѣмъ. Бѣ сему ученицы Господни сотворѣмся, послушающе и храняще заповѣди Господня: *не слышатели бо, но творцы закона оправдятся* (Рим. 2, 13). Станемъ же и подѣ Крестомъ, ибо не индѣ Богословъ Святыи сподобися Маріи усыновленъ быти. Подѣ Крестомъ же стояти како? Всегда имѣти предѣ умными очима своима Распятаго Господа: *не судихъ, рече, ино что видѣти* <sup>2)</sup> *въ васъ, точію Господа нашего Исуса Христа, и Сего Распята,* (1 Кор. 2, 2). Сораспинати же ся Господу своему состраданіемъ и умерщвленіемъ своихъ похотей и (къ нимъ же обыхохомъ) грѣховныхъ страстей; симъ бо запечатлѣемъ сыновство наше, и возлюбитъ ны Благая всего міра Мати, аще умремъ грѣху и оживемъ Богови, аще духовнѣ мученичество понесемъ, аще изволеніемъ сотворимся мученики: нѣсть бо Сынь Маріи, иже не мученикъ! Естественный Ея Сынь Исусъ Христось умре <sup>3)</sup> за ны. Приобщенный Ея сынъ умре <sup>3)</sup> за Христа: то и мы — сынове ли Ея есмы? Самовольнѣ постраждемъ и умремъ за Сына Божія, аще и безъ крове. Самовольное же Христа ради безъ крове мученичество сиче описуется:

|                      |      |                               |
|----------------------|------|-------------------------------|
| Идолъ                | есть | грѣхъ.                        |
| Идолское капище      | есть | грѣхолюбное сердце.           |
| Идолопоклонникъ      | есть | грѣховнымъ страстемъ работаи. |
| Идолопоклоненіе      | есть | страстолюбіе.                 |
| Мученическій подвигъ | есть | сопротивленіе грѣху.          |

<sup>1)</sup> Хотя.

<sup>2)</sup> Въ новѣйшихъ изд. Библии *видѣти*.

<sup>3)</sup> Въ подлинникѣ въ обоихъ случаяхъ стоить старинная форма: *умрѣтъ*.

|                        |   |
|------------------------|---|
| Мучитель               | есть злый обычай грѣховный, или на-<br>логъ <sup>1)</sup> къ грѣху. |
| Слуги мучителивы       | суть помыслы скверныи, къ грѣху вле-<br>кущіи.                      |
| Многоразличное мученіе | есть съ помыслы скверными борьба.                                   |
| Отверженіе Хріста      | есть соизволеніе на грѣхъ.  |
| Пожертвѣ идолу         | есть замышленнаго грѣха дѣломъ испол-<br>неніе.                     |

Симъ, любве ради Хрістовы, сопротивляяся есть безъ крове мученигъ и добрый подвижникъ. Сицеваго мученика — о козь Пречистая Мати лю-  
\*бить и въ Сына мѣсто его имать!

### Бесѣда XX <sup>2)</sup>.

*Надежде ненадежднымъ, Помощнице не-  
мошнымъ, ходатаице всѣмъ грѣшнымъ, Ты  
мя покрый и заступи отъ всѣхъ бѣдъ и  
нуждъ душевныхъ и тѣлесныхъ!...*

Въ Поклоненіи.

Кто тѣломъ точію, азъ же и душею боленъ; давно быхъ отчаяхъ  
обоего здравія, аще не бы Ты имѣлъ надежду, Богородице, яже всѣхъ,  
уповающихъ на Тя не посрамляеши. Мнози въ многѣхъ надежды своя  
полагають: немощни—въ врачехъ, здравіи—въ крѣпостяхъ силы своя,  
богатыи—въ скровищахъ своихъ, рабы—въ господіяхъ своихъ, госпо-

<sup>1)</sup> Навыкъ, привычка.

<sup>2)</sup> Бесѣда сія слѣдуетъ за описаніемъ такого чуда: «Есть градъ въ предѣлѣ Чернигов-  
скомъ, рекомый Сосница. Съ того града приде въ монастырь Ільинской нѣкая жена, име-  
немъ Агафія и принесе на образъ Пресвятой Богородици монисто кораліевое, съ седма  
Крестиками серебряными, и таблички двѣ серебряныи; и то о себѣ подъ совѣстію (по совѣ-  
сти) исповѣда: азъ, рече, дванадесять недѣль боляхъ, въ коей болѣзни сотворися вредъ  
великій и неисцѣльный на шиі моей, отъ него же несказанную терпѣ болѣзнь, и уже от-  
чаяхся живота моего, также и сущи при мнѣ не надѣяшеса живу мя зрѣти. Тако ча  
ющей мнѣ часа смертнаго, се нѣщи отъ сосѣдъ, посвѣщающихъ и присѣдающихъ мнѣ, иже  
бываху здѣ на поклоненіи, и о чудесахъ бывающихъ слышаху, рѣша мнѣ: обѣщайся по-  
молитися Чудотворному Образу Пресвятой Богородицы, иже въ Черниговѣ у Іліи Святаго,  
и вѣруй, яко здрава будеши. Сія азъ слышавши, аще не устами,—уже бо не могахъ язы-  
комъ что провѣщати,—обаче умомъ призвахъ усердно Пресвятую Дѣву въ помощь, тво-  
ряще обѣтъ ити пѣшо поклонитися Святому образу, о немъ же слышу. И не умедли Скорая  
Помощница, но скоро услыша и помилова: въ то бо время пріяхъ ослабу отъ болѣзни и  
воскорѣ оздравѣхъ добръ, и се обѣщаніе мое исполню». Это было въ 1676 г. Августа 26-го.

діе — въ благополучіи своемъ. Но о человѣцы! сѣмо со мною да обрѣтѣте вся своя надежды! Врачеве да цѣлятся сами (Лук. 4, 23); здравіи да зрятъ крѣпость свою во гробѣхъ; богатіи да плачутся о лютыхъ скорбехъ, грядущихъ на нихъ (Іак. 5, 1); рабы да вѣдятъ господій своихъ благодать на пестрѣмъ конѣ ѣздящую; <sup>1)</sup> господіе да зрятъ, яко скоровратнымъ ихъ благополучіе бѣжитъ коломъ; <sup>2)</sup>—вы же здѣ въ Непостыднѣй Заступниці положѣте надежду, и всего, еже требуете, не лишитесь. Недузій! <sup>3)</sup> требуете ли здравія? Надѣйтесь на Дѣву Богородицу: *Та изъ нездравія во здравіе претворяетъ.* <sup>4)</sup> Здравіи! требуете ли крѣпости и силы? Обряцете то въ Рождшей Господа Крѣпкаго и Сильнаго, *Господа Сильнаго во бранехъ* (Пс. 23, 8). Богатствъ ли вамъ требѣ? И гдѣ лучше обогатитесь, яко при Той, *Яже носитъ на руку Своею Имущаго въ шуйцѣ Своей богатство и славу* (Притч. 3, 16). Рабы и господіе, надѣйтесь на Госпожу, Рекшую о Себѣ: *се Раба Господня* (Лук. 1, 38); Та вы научитъ работати Господеви, господствовать же надъ страстьми. И всякъ ненадеждный, паче же отчаявшійся спасенія своего грѣшнике! возложи надежду на Сію, Яже есть едино грѣшникомъ прибѣжище, ненадежднымъ Надежда, побѣждаемымъ Помощь, готовое заступленіе къ Ней прибѣгающимъ. <sup>5)</sup> На Ту надѣющеса, не погибнеши: кто бо надежду возложивый на Ню погибетъ?

О Добрая Надеждо моя, — *Упованіе мое отъ сосиу матере моея! Къ Тебѣ приверженъ есмь отъ ложеснъ, отъ чрева матере моея Ты еси моя Покровителка* (Пс. 21, 10)! <sup>6)</sup> Не остави мене и не отступи отъ мене!..

## Правоученіе XX.

Внемлемъ, любимицы, <sup>7)</sup> винѣ, ея же ради реченная Агафія <sup>8)</sup> приде отъ града своего помолитися усердно Пресвятой Богородици: яко боляше и оздравѣ благодатию Богородичною.

<sup>1)</sup> Образъ измѣнчивости благорасположенія господь—пословица.

<sup>2)</sup> Вертящееся колесо—образъ превратности земнаго счастья. Horat. De Arte Poëtica.

<sup>3)</sup> Недужные.

<sup>4)</sup> Канонъ молебный Богоматери, пѣснь 9-я.

<sup>5)</sup> Молитва на повечеріи: «Нескверная, неблазная».....

<sup>6)</sup> Покровительница.

<sup>7)</sup> Возлюбленные.

<sup>8)</sup> Указаніе на исцѣленную.

Смотрѣте, како всѣхъ Промыслникъ <sup>1)</sup> вся на пользу строить: мно-  
гаци наводитъ на ны различныя болѣзни, да уцѣломудримся, да оста-  
немся <sup>2)</sup> грѣховъ, да притечемъ къ Богу покаяніемъ. А яко истинно  
то есть, послушаемъ отецъ Святыхъ. Святый Баллистъ глаголетъ: «Благъ  
сый и всѣмъ спастися хотяй Богъ, множицею попускаетъ людямъ въ  
болѣзни впадати, да очистятся отъ грѣховъ грѣхами одержимые; та-  
ко бо гласомъ Божественнаго Іеремѣи глаголетъ: болѣзнями и ранами  
казненъ будеши, Іерусалиме (Іер. 7, 8).» <sup>3)</sup> И Григорій Назіанзенъ вѣ-  
щаетъ: «воистинну болѣзнями тѣлесными душа къ Богу приближается.»  
И другій Григорій, Папа Римскій, глаголетъ, яко «Богъ челоуѣка уязв-  
ляя, здравіе подаетъ; и егда избранныхъ Своихъ извнѣ казнить, хочетъ  
да внутрь живы будутъ,—умерщвляетъ, да оживить, біетъ, да исцѣ-  
лить.» И Исидоръ: «болѣзнь тѣлу здравіе есть душѣ; болѣзнь тѣло  
уязвляетъ, мысли же цѣлить; болѣзнь силу вождельнѣй плотскихъ прѣ-  
сѣщаетъ.» Егда убо приключается намъ болѣти тѣломъ, отъ сего поз-  
наваемъ благостыню Божию, яко симъ ведетъ ны къ покаянію; и не  
отчаевающеся, но надѣющеся на милость Его благоутробія, исправляимъ  
свое житіе, имуще Пособницу на се Пресвятую Дѣву.

## Весѣда XXI. <sup>4)</sup>

*Росу Твоего благоутробія подаждь ми Прене-  
порочная, Чистая, грѣховнымъ зносмъ тающему,  
печаль Сама устужающаи ми и радость Божес-  
твенную подающаи.*

Дамаскинъ въ Октоихѣ гл. 4-й, въ четверт. на повеч. пѣснь 3-я.

Не вѣсть Та неблагоутробна быти, Ея же утроба Благаго намъ роди  
Бога. Апостоль, благоутробіемъ подвизаемый, глаголаше ко ученикомъ  
своимъ: *не тѣсно вмѣщается во утробу мою* (2 Кор. 6, 12). Но  
чіе отъ святыхъ ко всѣхъ вмѣщенію пространнѣйшее благоутробіе обрѣ-  
стися можетъ, паче Маріинна? Вмѣщается здѣ цѣломудренный, и грѣш-

<sup>1)</sup> Промыслитель.

<sup>2)</sup> Да отстанемъ отъ...

<sup>3)</sup> Слово въ недѣлю шестую по Святомъ Дусѣ.

<sup>4)</sup> Положена послѣ описанія чудеснаго исцѣленія спорченной Маринны, изъ крѣпостныхъ  
монастыря Ильинскаго. Это было 1676 года, Сентября 16 дня, по усердной молитвѣ матери  
болящей, именемъ Анны, предъ чудотворнымъ образомъ Богоматери.

ному здѣ же не тѣсно. Ту имать кающійся свое мѣсто, и отчаянному съ непокаяннымъ, аки гѣ Ноеву ковчегу, не точію чистымъ, но и нечистымъ животнымъ прибѣжище не возбранно.

Въ Ея благоутробіи душею и тѣломъ болящій, яко въ больницы, паче же реку во врачевници, почивають и цѣлятся всяко. Здѣ слѣпіи прозирають, глухіи слышать, хроміи ходять, прокаженніи очищаются, недужи отгоняются, мертвіи встають, и кто либо чесога востребуетъ, — все получаетъ въ благостыни Ея, Яже чрезъ стогъ пшеници въ Пѣснехъ пишется: *чрево Твое — яко стогъ пшеници* (Пѣсн. Пѣсн. 7, 2). Пшеница паче ивѣхъ сѣмень честнѣйша и потребнѣйша: благость Маріина паче всѣхъ человекъ больша, и коемуждо отъ вѣрныхъ зѣло потребна. Не изочтены суть зерна пшенични во стогахъ: тако ни богатство благости Ея сочисляется. Пшеница, питая человекъ, содержитъ временный животъ его: и наша Преизбранная Мысленная Пшеница — Пречистая Дѣва, насыщая ны Хлѣбомъ Животнымъ, толико нашъ животъ хранитъ, яко о Ней живемъ, Ею содержимы.

Не затвори убо и мнѣ благоутробія Твоего, Пречистая!

## Правоученіе XXI.

Хотящая испросити цѣльбу сляченнѣй дщери своей мати, съ плачемъ великимъ припаде гѣ Богу и Богородицѣ, и слезами отверзе благоутробія дверь. <sup>1)</sup> Ни бѣ удобно кому отверзти чіе благоутробіе безъ сихъ ключей, безъ слезъ, глаголю; сими же и Рай отверзеши. Пишетъ Богословъ, яко въ Раи врата суть создана отъ бисеръ, сирѣчь зъ перель <sup>2)</sup>: и *едина кажда врата бѣша отъ единаго бисера* (Апок. 21, 21) Бисеръ или перла у Піерія слезу образуеть; <sup>3)</sup> ему же согласуя и Свидя глаголетъ; яко «егда въ соннѣмъ видѣніи зреть кто перлы, плачь знаменуеть». Томужде согласовати зрится и Святой Златоустый, глаголя: «очи Давидовы дождемъ слезнымъ украшенни бяху, яко же маргаритами», <sup>4)</sup> си есть перлами. Дивляхся [[убо, яко] аще перли суть

<sup>1)</sup> См. выше, примѣчаніе подъ текстомъ бесѣды.

<sup>2)</sup> Изъ перловъ.

<sup>3)</sup> Піерій, кн. 28.

<sup>4)</sup> Бесѣда на бытіе 1-я.

слезъ образомъ и плача знаменіемъ, то почто врата перловая тамо, идѣже ни что же слезно зрится, ни что же плачевно слышится, но вся суть неизрѣченныя радости исполненна? Разсмотрѣвъ же, познахъ, яко того ради, да хотящии въ Райскую радость внійти, не иными въ ню входити тшатся враты, тоцію слезами. Зриши ли въ Раи врата зъ перлы? Перла же слезу образуеть; то вѣждь, яко слезою внійти тебѣ въ Рай подобаеть, и нѣсть инаго въ Рай входа, кромѣ слезныя перлы. Но которій Рай человекѣви лучшій паче Божія и Богородичина Благоутробія, въ немъ же и самое Небо залежитъ? Ибо вси Благоутробіемъ Бога и Божія Матере молитвами паче, неже по своему достоинству, Небо наслѣдствуютъ. *Не суть бо достойны страсти вѣка сею къ хотящей лѣпиться слава* (Рим. 8, 18). Обаче и къ сему Раю, къ Божію, глаголю, Благоутробію, — не ина врата, тоцію бисерьъ слезный. Прииди, поклонися, припади и восплачи предъ Господемъ, Сотворшимъ тя (Пс. 94, 6): и абіе посредѣ благоутробія его обрящешися. Извѣстися о семъ отъ словесъ Іеронимовыхъ, ими же ту перлу слезную похваляя, глаголетъ: «о слезо смиренная! Твоя есть сила, твое есть Царство; ты не трепещеши суда, заграждаеши бо молчаніемъ уста врагомъ, клеветующимъ на тя, и нѣсть возбраняющаго тебѣ входа къ Богу. Аще же сама къ Нему внідеши, не тща возвращаешися отъ Него: [ибо] что болѣе [совершаемаго тобою]? Побѣждаеши Непобѣдимаго, связуеши Всемогущаго, преклоняеши къ Благоутробію Сына Дѣвья, отверзаеши Небо, прогоняеши дѣвола.» Смотри, како сильна есть слеза къ отверстию Божія Благоутробія! Убо сею, яко же перловою дверію въ Рай, входи въ Благоутробіе Его!

### Весѣда XXII ҃).

*Бодренною Си молитвою и неисчетною простынею ущедрѣ насъ, и подаждь душамъ нашимъ Милосердіе Свое, во вѣкп источающи.*

Въ Павечерницѣ великой.

Ни на небѣ, ни на земли [не] обрящеша большее по Бозѣ Милосердіе, паче Богородичина: Милосердни суть на небеси Ангели, предста-

<sup>1)</sup> Положена послѣ описанія чудеснаго исцѣленія лежавшаго долгое время предъ вратами Ильинской обители нѣкоего нищаго, нози котораго были покрыты ранами, и онъ уже отчаявался въ жизни. Получивъ исцѣленіе въ 1676 году, онъ остался на всегда въ обители служить Своей Цѣлительницѣ.

тельствуютъ бо о насъ, и ополчаются окрестъ насъ: обаче и отъ тѣхъ одинаго видѣ Давидъ не милостивнѣ убивающа Божія люди (2 Цар. 24, 17). Мнози и на земли челоуѣцы обрѣтошася милосердны, но не тако, яко же Дѣва Богородица, Ея же милосердіе Божію Милосердію есть точно: <sup>1)</sup> обоя бо бездною наричутся. О Божіемъ Дамаскинъ [глаголетъ]: *въ безднѣ грѣховный одержимъ, неизслѣдную Милосердія Твоего призываю бездну.* <sup>2)</sup> О Богородичномъ же тойжде [Дамаскинъ глаголетъ]: *милосердія Твоего бездну призывающу ми, подаждь, Благосердаго Рождашая!* <sup>3)</sup> Сію бездну кто измѣрити можетъ? О Глубино Непостижимая милости къ роду людскому! Міръ сей яко шпиталь, <sup>4)</sup> исполнь калѣкъ, болѣе, неже въ пяти притворахъ при овчей купели солежащихъ, и кто я врачуетъ? Ты, Премилостивая Царице! Въ овчей купели единою въ лѣто бывающаго воды возмущенія чаяху, и то одинаго точію больнаго исцѣлеваше: въ Тебѣ же, Богородице, кипятъ всегда милосердія воды, не одинаго въ лѣто, но безчисленныхъ калѣкъ врачующія! Да изочтеть кто отъ Милосердія Твоего бывающая исцѣленія, не точію здѣ, въ монастырѣ Ильинскомъ отъ чудотворныя Твоя Иконы, но и по инѣхъ мѣстѣхъ, <sup>5)</sup> яко же въ святой Печерской Лаврѣ, въ Новомъ Дворѣ, въ Купятичахъ и по различныхъ странахъ, монастырехъ и градѣхъ,—по премногу же въ преславномъ Богоспасаемомъ градѣ Москвѣ, и во всей великой Россіи, идѣже суть неисчетными чудотвореніи прославльшіеся иконы изображенія Твоего: Казанская, Владимерская, Смоленская, Иверская и прочія безчисленныя, отъ нихъ же да собереть кто исцѣленныя калѣки, да сочислитъ утѣшенныхъ отъ печалій, да совокупить пріемшихъ плястръ <sup>6)</sup> на душевныя язвы! Но кто доволенъ сіе сотворити?

Скорѣе въ веснѣ цвѣты, въ лѣтѣ зочтемъ гласы,

Въ осени плоды, въ зимѣ снѣзи, въ главѣ власы,—

<sup>1)</sup> Подобно.

<sup>2)</sup> Октоихъ, гласъ 2-й, воскр. пѣснь 6-я, ирмосъ.

<sup>3)</sup> Канонъ Молебный Богоматери, пѣснь 4-я.

<sup>4)</sup> Госпиталь, больница.

<sup>5)</sup> И по инымъ мѣстамъ.

<sup>6)</sup> Плястырь.

Скорѣ капли можемъ измѣрѣти въ морѣ,  
И скорѣ вси звѣзды исчитати горѣ,  
Нежели исчисляемъ Маріины чуда!

Являясь милосердѣ Веспасіанъ Египтяномъ, глаголаше: «почерпѣтъ отъ мене, Египтяне, яко отъ вашего Нила,»—аки глаголя: «яко рѣка Ниль, отъ него же вси черплете, подаетъ вамъ неоскудны воды: тако моя благодѣть неоскудна, отъ нея же черплете Мое Милосердіе». Но ложно рѣцѣ толицѣй съ своимъ благосердіемъ себе уподобляше, могій въ малыя горсти вомѣститися. Се восписовати прислушаетъ <sup>1)</sup> Рѣцѣ Божіей—Дѣвѣ Маріи, Яже водъ благодатій наполнися. Та не Египеть точію, но вселенную всю: востокъ и западъ, полудень и полуночь напаяетъ потоками неисчерпаемыми Милосердія Своего. Вопросы всякаго вѣрнаго: не причастился ли Ея Милосердія? Всяко речеть: «вѣсть ми инаго высочайшаго на небеси и на земли, яко же Та, по Господѣ моемъ Исусѣ Христѣ. *Не имамъ иныя помощи, не имамъ иныя надежды, развѣ Богородицы.* <sup>2)</sup> Мню, яко той о Ея милосердіи молчати будетъ, иже помнитъ себе когда тща и неуслышанна отъ Нея изшедша: но кто не услышанъ, кто не помилованъ, кто не обдаренъ отъ Нея изыде? Точію той, иже ни когда не прибѣгалъ къ Ней, обаче Она Блага является и не ищущимъ Ея.—Явился убо и мнѣ Милосерда, о Преплагая!...

## Правоученіе XXII.

Милосердія Божія и Богородичина причащяся, исцѣлѣвый предъ враты монастырскими реченный Стефанъ <sup>3)</sup> воздаваше сіе работою прилѣжною въ тойже обители. Мы же грѣшніи, на всякъ часъ милосердіемъ Вышняго покрываемы, не хотимъ Ему работати вѣрнѣ, но работаемъ мірови и его суетамъ, тѣлу и его похотемъ и прелестемъ бѣсовскимъ паче, неже Богови. Горе намъ, яко избираемъ худшее вмѣсто лучшаго, страстемъ нашимъ вмѣсто Бога служимъ, идѣже бо кое вожделеніе повлечетъ человекъ, и ко яцѣй вещи сердце чіе привязуется, се ему есть и

<sup>1)</sup> Приличествуетъ.

<sup>2)</sup> Канонъ Одигитріи,—кондакъ.

<sup>3)</sup> См. примѣч. къ бесѣдѣ.

господь и богъ. Тако святой Иеронимъ бесѣдуетъ: «ему же богъ чрево есть, тому богъ новъ есть; каковы либо грѣхи имамы и колико, толико боговъ новыхъ имамы. Разгнѣвахся—гнѣвъ ми богомъ есть. Возрѣхъ на жену, во еже вождѣлѣти ю,—вождѣленіе ми богомъ есть. И всякъ, еже вождѣлѣеть, сіе ему богомъ есть». <sup>1)</sup> Убо Единому Вышнему Богу послужѣмъ не слушающе, ниже работающе суетнымъ господіямъ; ни бо можемъ двѣма господиномъ работати, одинаго бо возлюбимъ, а другаго возненавидимъ, или одинаго удержимся, о друзѣмъ же вознерадимъ: не можемъ *Богу работати и мамонѣ* (Мѡ. 6, 24). Глаголетъ Григорій Святой: «никто же можетъ въ тойжде и единой вещи Всесильному Богу работати и врагомъ Его угождати; не хоцетъ сей быти другъ Богу, иже врагу Его угождаетъ». <sup>2)</sup> И Діоптра [глаголетъ]: «не попусти Богъ Себѣ <sup>3)</sup> и Дагону единъ и тойжде олтарь подавати, и сего ни когда же сподобишася Филистимове, аще и всѣми силами труждахуся (1 Цар. 5). Не хоцетъ Богъ тамо мѣсто имѣти грѣху, идѣже Лице Его Божественное обрѣтается; не терпѣть вкупѣ Себѣ и міру имѣти поглонники».

### Бесѣда XXIII. <sup>4)</sup>

*Пристанище намъ буди влающимъ, и отишиє въ пучинѣ скорбей.*

Акаѡ. Пѣснь 6.

Аки въ мори въ сей немощи <sup>5)</sup> человекъ обуреваемый потопляшеся, и уже бы ему *погрязнути яко олову въ водѣ зльнпѣй* (Исх. 15, 10), аще не бы достиглъ пристанища небурнаго — Пресвятой Дѣвы.

Нѣкто, волненія и бури избывъ, хвалится: *придохомъ на мѣсто лькое, нарицаемое «Доброе Пристанище»* (Дѣян. 27, 8). И гдѣ лучшее пристанище паче Маріи? Та, аще точію кто къ Ней пристанеть, отъ всякаго потопленія цѣла и невредима его сохранить.

<sup>1)</sup> Бесѣд. на псал. 80-й.

<sup>2)</sup> Бесѣд. на Іезекііля.

<sup>3)</sup> Ему, т. е. Богу.

<sup>4)</sup> Положена послѣ описанія чудеснаго исцѣленія нѣкоего бѣсноватаго Фомы, который, мучимый бѣсомъ, бросался въ воду, желая лишити себя жизни; приведенный къ Чудотворной Ильинской Иконѣ Божіей Матери, онъ совершенно исцѣлился, что послѣдовало въ 1676 году, Августа 14 дня.

<sup>5)</sup> См. предыдущее примѣчаніе.

Шествоваше иногда Израиль сквозъ Черное Море невлажными ногами (Исх. 14); и что его сохрани отъ воднаго потопленія? Хощеши, чаю, рещи, яко жезлъ Моусеовъ, раздѣливый начертаніемъ Креста воды? Но не безъ Богородицы, ибо Тоя тамо прописовашеся образъ. Слыши, что сладко-глаголивая ластовица Церковная—Дамаскинъ святой о семъ воспѣваетъ: *въ Чермнѣмъ Морѣ браку Неискусимыя Невѣсты образъ написася древле.* <sup>1)</sup> И се храняше Израиля отъ волнъ морскихъ, яже потопиша Фараона. Хотяху, чаю, воды и жидовска рода не пощаждѣти, яко тѣхъ, иже имѣяху быти не благодарны, ропотницы, отступницы отъ Бога и врази Его,—наконецъ же и убійцы Сына Божія. Обаче, видяще въ нихъ Маріино прознаменованіе, убояшеса волны морскія: *море видѣ и поблже* (Пс. 113, 3). Зриши ли, како въ Ветсѣмъ еще Завѣтѣ Марія, тоцію прообразованіемъ Своимъ, тихое пристанище бяше. Внемлѣмъ же и Ионину неврежденію: како въ глубинѣ морстѣй, еще же въ утробѣ воднаго звѣря, посредѣ толика смрада и тѣсности, не умеръ три дни и нимало вредися, идѣже бы человѣкови ни полчаса мощно живу быти. Что тамо его храняше цѣла? Не что ино, тоцію Таяжде Преблагословенная Дѣва Марія, Ея же и тамо проображеніе бяше, тако [бо] гласить Церковь: *во утробѣ Ионѣ младѣнца не вреди морской звѣрь, яковаго же пріятъ; въ Дьвицу убо вселися Слово и плоть пріемъ, пройде, сохранивъ Нетлѣнну* <sup>2)</sup>. И се храняше Іону три дни жива и невредима, яко хотяше Слово отъ Дѣвы Нетлѣнно воплотитися, чесога Іоанна образъ въ китѣ бяше. О коль доброе Пристанище—Пречистая Дѣва, яко своихъ и отъ дна морскаго живы и цѣлы изводить. Кто—безъ Нея, сей въ лыжицы <sup>3)</sup> воды утонеть: придержиай же ся Ея, аще и посредѣ моря будетъ стопы ножніи не змочить.

Храни убо и мене, о Маріе! *Да не погрузитъ мене буря водная, ни да пожретъ мене глубина.* (Пс. 68, 16)!

### Нравоученіе XXIII.

Погружаемся и мы въ водахъ многихъ, міръ бо сей окаянный есть моремъ: сице его мнози проименоваша. Амвросій Святой: «кое море

<sup>1)</sup> Догматикъ гласъ 5-й по старинному чтенію.

<sup>2)</sup> Канонъ на Рождество Христово, пѣснь 6-я ирмосъ.

<sup>3)</sup> Въ лыжицѣ.

сице есть нагло, якоже міръ,—толиго невѣренъ, толиго мятеженъ, толико пропастенъ, толико нечистыхъ духовъ вѣтрами волнящя!» Святыи Златоустъ глаголетъ: «различными грѣхами и многообразными искушении, якоже нѣкими волнами бурится <sup>1)</sup> міръ сей, о немъ же чтемъ: *се море великое и пространное* (Пс. 103, 25) . <sup>2)</sup> Кассіодоръ: «мору въ правду уподобленъ есть міръ, яко лжами горекъ, волнами бѣсовскими трясется, прегрѣшеній вѣтрами смущается» . <sup>3)</sup> И Дамаскинъ Святыи сѣтуетъ: *придохъ во глубины морскія* (си есть въ мірскія страсти) *и потопила мя есть буря многихъ ми прегрѣшеній*. <sup>4)</sup> Воистинну другое міръ море: яко же бо въ пучинѣ морстѣй, тако въ мірѣ многообразни пагубы, погруженія, нечаянія, <sup>5)</sup> бѣды, яко рещи Апостолу: *весь міръ во зль лежитъ* (1 Іоан. 5, 19); въ немъ же житіе есть смертію горькою паче, неже животомъ, <sup>6)</sup> еже описуетъ Блаженный Августинъ сице: «еда мы животъ сей, его же въ мірѣ видимъ, нареци животомъ можемъ? Его же вѣтри надымають, болѣзни истончевають, огневицы иссушають, воздуха немощи исполняють, брашна отягчевають, посты смиряють, глумленія соблазняютъ, скорби истаеваютъ, попеченія истниваютъ, бѣды оскорбляютъ, богатства отолстѣваютъ, нищета на землю повергаетъ, младость возноситъ, старость прекланяетъ, болѣзни и злыи случаи мучать; по толикомъ же многомъ злѣ смерть наконецъ настоитъ» . <sup>7)</sup> Въ толико зломъ міра сего морѣ суще, посредѣ толикихъ бѣдъ, скорбій и напастей—почто не ищемъ пристанища? Почто и еще суеты держимся? Почто несытнѣ сланую пристрастія пиемъ воду? Почто пагубу нашу любимъ? Не слышимъ ли Святаго Назіанзена проповѣдующа: «се міръ, его же любимъ, убѣгаетъ,—уже самъ въ себѣ уше; въ сердцахъ же нашихъ еще процвѣтаетъ! Всюду смерть, всюду плачь, всюду погибель! Отвсюду біють ны, обаче мы, ослѣпленни похотію плоти, тыя самыя горести его любимъ! Бѣгущаго гонимъ, на па-

<sup>1)</sup> Обуреваются.

<sup>2)</sup> Бесѣда 33.

<sup>3)</sup> Кассіодоръ на пс. 44.

<sup>4)</sup> Октоихъ гласъ 4-й, пѣснь 6-я; ирмось.

<sup>5)</sup> Нечаянности, непредвидѣнныя обстоятельства.

<sup>6)</sup> Есть болѣе смерть горькая, нежели жизнь.

<sup>7)</sup> Книга о Богомышленіи, гл. 20.

дающаго вспѣраемъ: не могуще же подперти падающаго, сами съ нимъ падаемъ!» <sup>1)</sup> Сихъ словесъ послушающе, и очима истинну ихъ въ мѣрѣ видяще, отвержѣмъ всякую печаль житейскую, и во Пристанищу Небесному—къ Богу и Божіей Матерѣ скоро и усердно притецѣмъ, кождо насъ вопіюще: *Ты мене окорми ко пристанищу Твоему, блажимъ Виновная, вѣрнымъ Утвержденіе, Единая Всепътая!*<sup>2)</sup>

### Бесѣда XXIV. <sup>3)</sup>

*Радуйся, воскресенія образъ Облустающая!*  
Акае. Богоматери, Явось 7-й.

Всякія болѣзни цѣлятся различнѣ, но смерть никакоже. Нѣсть врача, ни врачеванія, еже бы могло умерша воздвигнути:

Врачеванія противъ смертной зрадѣ <sup>4)</sup>

Не обрящещи и въ вертоградѣ.

Обаче послушайте мене: азъ вамъ покажу Врачебницу, Могущую и мертвыя цѣлители, и воскрешати. Пресвятая Дѣва — Жизни Мати, Юже гробъ и смерть не удержаста, Та отъ гроба и смерти вѣсть возставляти умершихъ. Похити иногда напрасно смерть отрока Сумантянини, сія воставши иде къ челобѣгу Божию въ гору Кармилъ,—тогда бо Пророкъ Елисей въ Кармилѣ бѣше (4 Цар. 4, 25). Смотри судьбы дивныя: по что Пророкъ, воскреситель быти имѣяй умершаго отрока, медляше въ горѣ Кармилѣстѣй? Сія, чаю, тайна: да мати, воскресенія ради сына своего къ Пророку грядущая, притечетъ къ горѣ Кармилъ, яже прознаменоваше Дѣву Богородицу, о Ней же глаголетъ Духъ Святой: *слава Твоя на Тебѣ—яко Кармилъ гора* (Пѣс. Пѣс. 7, 5). Кто бо къ Ней притечетъ, сей *приметъ отъ воскресенія мертвыя своя* (Евр. 11, 35). Къ сему же, да и Пророкъ, грядый воскресити умершаго, восприметъ на се чудесную силу, отъ Богородичнаго прообразованія въ Кар-

<sup>1)</sup> Въ Бесѣдахъ на Евангеліе.

<sup>2)</sup> Параклисъ Богоматери, пѣснь 3-я.

<sup>3)</sup> Положена послѣ описанія воскресенія нѣкоего младенца Тимоея, сына поселянина Ермолая, вслѣдствіе обѣта, даннаго родителями—поклониться чудотворной Иконѣ Богоматери—что въ Ильинскомъ монастырѣ. Чудо сіе совершилось въ 1679 году, Апрѣля 21 дня, въ понедѣльникъ на свѣтлой седмицѣ (Слѣдов. за 4 года до изданія «Руна Орошеннаго»).

<sup>4)</sup> Язвы.

милѣ. Воскрешая Господь сына вдовичина въ градѣ Наинѣ, коснуся одра (Луки 7, 14), и—прикосновеніемъ Его смерть прогнана. Такожде и различныя болѣзни прикосновеніемъ Его цѣляхуся, *яко сила отъ Него исхождаше и исцѣпляше вся* (Лук. 6, 19). Здѣ удивляюся животворной силѣ въ Пречистой Плоти Христовой, яже аще гдѣ прикоснется, тамо не точію больныя цѣлить, но и мертвыя воскрешаетъ. Обаче вопрошаю: откуду сія животворящая Плоть Христова? Не отъ Дѣвическія ли утробы произыде? Ей отъ Нея Плоть Христу исткася! То уже зрѣте <sup>1)</sup> ясно въ Дѣвѣ Маріи животворную силу, и мертвыя оживляющую; отъ Ея бо взятою Плотію Христось кого прикасашеся [сего абіе] воскрешаше и цѣляше. Не всуе *воздвигши нѣкая жена гласъ отъ народа рече Христу: блаженно Чрево, носившее Тя, и сосца, яже еси ссалъ* (Лук. 11, 27)!

Воскреси убо и мене, умершаго грѣхами, о Мати жизни!

#### Правоученіе XXIV.

Азъ грѣшный, живъ сый тѣломъ, мертвъ же душею, точнихъ <sup>2)</sup> мнѣ со собою грѣшниковъ зову: грядѣмъ къ Мысленному Кармилу—къ *Горѣ Божіей тучной и усыренной, въ Ней же блаволи Богъ жити* (Ис. 67, 16. 17),—къ Пречистой и Преподобной Дѣвѣ Маріи, да воскресеніе спасенное улучимъ, *да ветхаго чловька, въ страстномъ обычаѣ грѣховномъ лежащаго отложше, въ новаго, покаяніемъ востающаго облечемся* (Еф. 4, 22). Сія жизни Подательница, аще точію узрѣти ны къ Ней притекшихъ, абіе оживить, возводя на путь покаянія: самыя бо очеса Ея воскресенія образъ блистають, — призрѣти на ны и помилуетъ ны. Обрѣтается птица, <sup>3)</sup> стравнымъ обычаемъ, не яко же вси птицы, итенца отъ плода своего изводящая: очима, прилѣжнымъ на ня <sup>4)</sup> смотрѣніемъ, нѣкая бо есть въ очесахъ тоя птицы естественная сила, яже плодъ зачинаеть, оживляетъ и изводитъ. Что разумѣши о

1) И такъ смотрите.

2) Подобныхъ.

3) На полѣ пояснено: *струсь*, т. е. страусъ.

4) Въроятно должно читать: на нь, то есть, на плодъ, или яйце.

очесехъ Пренебесной Мысленной Птицы — Дѣвы Маріи? Не имуть ли силы животворной? Ей, имуть! На кого бо отъ грѣшныхъ призрѣть, сего сотворятъ зачатися исправленіемъ, ожити покаяніемъ, и изыйти на путь добродѣтелей. Не всуе въ Пѣснехъ нѣкій къ Ней вѣщаетъ: *обрати очи Твои прямо мнѣ яко тыя воскрилиста мя* (Пѣсн. Пѣсн. 6, 4); аки бы реклъ: очи Твои, призрѣвши на мя сотвориста мя птенца, дадоста бо ми крилъ къ летанію Богомысленному. Ибо на него же призрѣть Марія, аще [той] и ползаше по земли, земная мудрствуя, сей исправлься, вперится <sup>1)</sup> и возлетитъ высоко Богомышленіемъ. Многихъ учителей чтихъ разумѣніе яко, егда Господь нашъ и Мати Его тѣлеснѣ спребываху человѣкомъ на землѣ, Обое не мало грѣшныхъ обратиша къ покаянію, самымъ <sup>2)</sup> точию на ня воззрѣніемъ. Яко и на Петра воззрѣвъ Господь, *и абіе помяну Петръ глаголь* Господень, *изшедъ вонъ, плакася горько* (Лук. 22, 61). Господу нашему есть то единый покой — воскрешати души умершихъ грѣхами, сирѣчь: обращати грѣшниковъ отъ заблужденія ихъ на стезю спасенную. Еже знаемо есть отъ Святаго Амвросія, иже, разсуждая сія словеса въ Бытіяхъ: *почи Богъ въ день седмый* (Быт. 2, 2), глаголетъ тако: «сотвори Богъ небо, но не чту, яко почи по сотвореніи небесе. Сотвори землю — ни ту <sup>3)</sup> почи. Сотвори солнце, луну и звѣзды, ниже тамо чту, яко почи Богъ. Но егда сотвори человѣка, тогда почи, имый кому грѣхи отпустить.» Внимаи симъ словесемъ Святаго: «тогда почи, имый кому грѣхи отпустить.» Зриши ли покой Господень? Зриши ли Благоутробіе Его? Зриши ли неизреченную и всего міра грѣхами не преодоленную благодать и незлобіе Его? Покой имать, пространство и веселіе прощати прегрѣшенія наша! Но и Матери Божіей тожде есть покой зрѣти прощеніе прегрѣшеніемъ нашимъ, молитвовать о насъ, воскрешати ны отъ грѣховъ смертныхъ чрезъ подааніе намъ Своя благодати къ житія исправленію. Извѣстны будѣмъ о семъ Ея покой отъ словесъ, яже Мудрость Божія въ лицѣ Ея глаголетъ (по Іеронимову переводу): во всѣхъ покой искахъ (Сир. 24, 7), — аки гла-

1) Окрылится.

2) Единымъ.

3) Ни тогда.

голя: «всѣмъ хотѣла быхъ спасеннымъ быти,—ни единому же мертву душею, но всѣмъ жити добродѣтельно; о всѣхъ покаяніи радоватися ищю, во всѣхъ сердцахъ предпочити хочу.» О благи, милосердія и челоѣколюбія Богородичина! Итакъ убо не отступѣмъ отъ Нея, но при Ней почиваемъ усердіемъ всегда, да и душа наша, умершая грѣхами, воскреснетъ, и Ея Духъ въ насъ препокоится, егда мы ублоншеся отъ зла, начнемъ творити благо.



## Прилогъ къ бесѣдѣ 4-й.

*Грѣшница, омывшая болящаго нозѣ,  
Слышитъ свыше: «прощени твои грѣси мнози!»*

Жена нѣкая славна, по смерти мужа своего, собравши въ своя помыслы вся грѣхи, и помянувши смертный часъ и страшный судъ въ умъ пріимши, иде къ Блаженному Нифонту, и поклоншися ему, рече: «вѣрю пріидохъ къ твоей святынѣ, честный Отче, исповѣдати вся грѣхи моя.» Тому же не хотящу и глаголющу: «нѣсть ми возможно, чадо, женскихъ внимати дѣяній,» — рече жена: «Отче святой! Господь Иисусъ Христосъ, Истинный Богъ нашъ, въ нашъ оболкѣйся образъ, не отрину пришедшій къ Нему блудницы, со слезами обლობающаго честными нозѣ Его и исповѣдающаго Ему своя грѣхи: а ты отгоняеши мя покаяться хотящу, и спастися.» То слышавъ, старецъ отвѣща къ ней и рече: «аще сице глаголеши ми, чадо, и вѣрю пришла еси къ моему недостоинству, — пойдемъ въ церковь, и глаголи сокрушеннымъ сердцемъ къ Человѣколюбцу Милостивому Богу дѣянія своя, слышащу и мнѣ худому старцу таковая». И пришедши вгупѣ въ церковь со старцемъ и поклоншися, ста молчаща. Старецъ же глаголаше къ ней: «что се бысть, чадо? Съ заутрія нудаше мое смиреніе пріяти тя, и нынѣ не глаголеши?» Та же отвѣща: «не дерзну изрещи, честный отче, одержить бо мя неподобная мысль.» Старецъ же рече: «напиши ю волею, да прочту хартію ту предъ Господомъ Богомъ, Прощающимъ по многѣй Его милости согрѣшенія наша.» И рече жена: «ни сего могу сотворити, за многая моя студодѣянія.» И рече старецъ: «да аще ни сего можеша сотворити, сице азъ сотворю: елико въ житіи челоуѣчествѣмъ содѣваются, воспоминаю ти грѣхи, глаголя по единому; — сице сотворила еси или ино другое?» Она же отвѣща: «Божія ради благодати и святыхъ твоихъ молитвъ, ни-

что же, еже глаголеши, сотворила есмь. Но ина суть моя согрѣшенія.» Онъ же рече: «аще суть ина, то азъ нѣсмь сердцевѣдецъ, ни вѣмъ тайнъ человѣческихъ.» Она же, — «молися о мнѣ», — рекши, отыде. Идущей же ей по улицѣ, видѣ нѣкоего чернца стара, разслабленна, на земли лежача и отнюдь <sup>1)</sup> небрегома, и рече ему: «хощеши ли, да ты поиму въ домъ мой и препокою тя добрѣ, яко да о моемъ недостойнствѣ умолиши Бога?» Онъ же рече: «ей, хощу, госпоже, дабы ты сотворила милость на мнѣ окаанномъ.» Она же, вшедши въ домъ свой, уготова постелю, и, пославши, купи ризы чернеческія, и повелѣ рабомъ вземше разслабленнаго мниха, и несше въ баню, измыти и, и облещи и въ новыя ризы, и, принесше, положить его на уготованнѣй ему постелѣ. Сему же бывшу, и тако служаше ему, струны мажущи и врачующи. По времени же великому четвертку приспѣвшу спасенныя страсти; рече жена къ старцу: «вещь хощу сотворити на тебѣ, отче, но потерпи, и не рцы ни что же.» Онъ же рече: «яко же велиши, госпоже моя, да сотворю тако.» И приспѣвцу часу Божественныя службы, Іерею творящу въ церкви въ дому ея Божественную Литургію и яко нача глаголати Евангеліе: *Иисусу бывшу въ Виваніи въ дому Симона Прокаженаго, приступи къ Нему жена блудница, и мущи сткляницу мвра драгаю...* (Мѡ. 26, 7...), — и сія рекуще Іерею, примши жена та сосудъ мвра, приступи къ черноризцу и возлія на нозѣ его и облобызающе слезами омочи, и власы своими отирающе, исповѣда грѣхи своя. И той убо сотворшей тако, бысть трусъ страшень, не во всемъ градѣ, но токмо въ единомъ домѣ ея, и по трусѣ гласъ, глаголющъ: «оставляются грѣси твои!» Тому же Божественному гласу пришедшу, воста черноризецъ весь здравъ, ни коего же имѣя струпа, ни язвы на тѣлѣ своемъ, славящи Господа нашего Іисуса Христа Творящаго страшная и великая чудеса. Блаженная же та жена, примши прощеніе своихъ грѣховъ отъ неизслѣдимаго и неизреченнаго Божія Милосердія, и прочая лѣта живота своего въ покаяніи поживши, преставися къ Богу, образъ оставивши всѣмъ, хотящимъ пріити къ покаянію.

<sup>1)</sup> Совершенно.

## Прилогъ къ бесѣдъ 24-й.

*Кающагося Богъ готовъ прощати,  
Но на се Его умоляетъ Мати.*

Человѣкъ нѣкій беззаконенъ имѣяше правило повседневное къ Пресвятѣй Богородицѣ молитися, повторяючи частѣ. словеса Ангельскаго цѣлованія: *радуйся, Обрадованная!* Единою убо, хотящу ему ити къ северному беззаконію, обратися къ образу Пресвятой Богородици, да первѣе совершитъ обычное къ Ней моленіе и посемъ идетъ на замышленное злое дѣло. Молящу же ся ему по обычаю, нападе страхъ на нь, и быеть во ужасѣ: <sup>1)</sup> видитъ образъ движущся, и се жива Богородица со Сыномъ Своимъ на руку держимымъ зряшеся. Отверзошажеся язвы Младенцу въ рукахъ и ногахъ, и въ боку, и течаше Кровь отъ язвъ потоками, яко же на Крестѣ. Се видя, паде отъ страха и возопи: «о Госпоже! кто се сотвори?» Отвѣща Богородица: «ты и прочіи грѣшницы, иже паки распинаете Сына Моего грѣхами, яко же Іудее». Тогда грѣшникъ, възрыдавъ, рече: «помилуй мя, о Мати Милосердія!» Отвѣща же ему: «Матерь Милосердія Мя нарицаете, скорби же Мя исполняете и горести дѣлы своими.» И рече грѣшникъ: «ни, Владычице, да не преодолѣетъ злота моя неизреченныя благости и милосердія Твоего: Ты бо еси всѣмъ грѣшникомъ едина Надежда и Прибѣжище. Приклонися убо на милость, Благая Мати! и умоли о мнѣ Сына Твоего и Творца моего!» Тогда Препоблагословенная Мати начатъ молити Сына, глаголющи: «Благодутробне Сыну Мой! Любве ради Моея помилуй сего грѣшника!» Отвѣща же Сынъ: «не прогнѣвайся Мати Моя, яко не послушаю Тя: ибо и Азъ молихъ Отца, да мимоидеть отъ Мене чаша страстей, и не послуша Мя.» Рече Мати: «помяни, Сыне, сосца, ими же воздохъ Тя, и прости сего!» Отвѣща Сынъ: «и вторицею молихъ Отца о Чашѣ, и не послу-

<sup>1)</sup> Въ подлинникѣ на полѣ объяснено: «въ захвищенію», т. е. въ восхищеніи.

на Мя.» Паки Мати рече: «помяни болѣзни Моя, яже съ Тобою претрпѣхъ, егда Ты на Крестѣ тѣломъ, Азь же подъ Крестомъ утробою уязвляхся, проходящу оружію Душу Мою!» Отвѣща Сынъ: «и третицею молихся Отцу, да мимо несетъ чашу, но не благоволи послушати.» Тогда Мати, воставши, посади Сына, и хотяше Ему къ ногамъ припасти. Возопи же Сынъ: «что хочещи творити, о Мати!» «Пребуду, рече, лежаша у ногу Твоею съ симъ грѣшникомъ, дондеже простиши ему грѣхи!» Тогда Сынъ: «законъ повелѣваетъ, да Сынъ чтить Матерь; Правда же хочеть, да Законодавецъ Самъ будетъ Закона Исполнитель. Азь— Сынъ Твой, Ты же Мати Моя; Азь Тя долженъ чтити, послушая Твоего моленія; буди убо, яко же хочещи: нынѣ прощаются ему грѣси Тебе ради! Во знаменіе же прощенія да лобжетъ Моя язвы!» Возставъ же грѣшникъ трепеща и радуясь коснулся устами пречистыхъ язвъ Его, и бысть въ себѣ. Скончавшися видѣнію, обрѣте сердце свое страха и радости исполнено. И начать прилежиѣ плавати и рыдати; припадаючи къ Образу Владычицы, благодаряше и моляше, да яко же видѣвъ ужасномъ видѣніи <sup>1)</sup> благодать Господню; грѣхи прощающую, сице и всегда помилованну ему быти. И оттолѣ исправль житіе свое, поживе Богоугоднѣ.—Смотри, каково прилежаніе есть Ходатаицы нашей о прощеніи согрѣшеній нашихъ! Слава Милосердію Ея, слава неизреченному благоутробію Ея, слава богатству щедротъ Ея, нынѣ и присно и во вѣки вѣкомъ. Аминь.

### Молитва.

Слава Тебѣ, Мати Божія, вѣрныхъ Прибѣжище, Избавленіе въ лютыхъ содержимымъ, душѣ моей Божественное Утѣшеніе! Всеокаянную душу мою Благодатная, уязвленную стрѣляніи ратника, поручаю всесильному предстательству Твоему, юже соблюдай и покрывай и спасай отъ бѣсовскихъ вазней невредиму, да зову Ти: Радуйся, Невѣсто Невѣстная!

<sup>1)</sup> Въ восторженномъ состояніи.



**Издательство православной  
богословской литературы  
“АКСИОН ЭСТИН”  
(Санкт-Петербург)**

Книги издательства “Аксион эстин” — это православные исследования, удачно сочетающие высокий научно-академический уровень и доступную форму изложения. Они будут интересны и полезны преподавателям и студентам богословских и гуманитарных ВУЗов, православных духовных академий и семинарий, всем верующим, желающим лучше понять христианское вероучение.

**Посетите наш сайт в интернете по адресу:**

[www.axion.org.ru](http://www.axion.org.ru)

**На сайте:**

- подробная информация о новоизданных книгах;
- возможность бесплатной загрузки большого количества электронных книг по богословию, библеистике, патрологии, которые легко читать на компьютере или распечатать на принтере;
- возможность заказать книги для доставки по почте (в том числе и электронные книги, которые высылаются на компакт-дисках).

**Ваши вопросы и пожелания направляйте, пожалуйста, по электронной почте: [info@axion.org.ru](mailto:info@axion.org.ru)**